

四庫全書

史部

欽定四庫全書

史部

浙江通志卷四十二

詳校官給事中臣戴璐

檢討臣德生覆勘

總校官編修臣倉聖脉

校對官庶吉士臣潘庭筠

謄錄監生臣周元瓘

欽定四庫全書

浙江通志卷四十一

古蹟三

嘉興府

由拳古城 太平寰宇記故由拳城在今嘉興縣南

五里秦始皇見其山有王氣使諸囚來鑿此山囚

倦並逃因號囚倦山置囚倦縣後訛由拳

萬曆嘉興府志

由拳山名在餘杭縣舊志作為囚倦非也嘉禾百咏考水經注吳記曰谷水出吳小湖經由拳故城

下今春波門外合
五水俗訛油潭

謹按水經注無谷水經由拳故城之文考谷水即
峽石山所出上谷湖水經縣出為澈浦圖經云澈
湖諸水皆名谷水今指為出自水經注而吳
詭又不可得見後來作志者皆沿其誤矣

射襄城 嘉禾百詠考吳王禦越之所在郡城東北

三十里

萬厯嘉興府志今秀水縣東北麟瑞鄉舊
管里曰射城嘉興縣志今王江涇閩川

主城 萬厯嘉興府志吳王禦越之所在秀水縣治

北

嘉禾百咏考東顧城西新城南于城北
主城四城皆在郡境吳築以禦越者

新城 萬厯嘉興府志吳王禦越之所在秀水縣治

西北

弘治嘉興府志在秀水縣西二十七里唐武宗會昌元年嘗築土城後罷尋成市井

古城

至元嘉禾志在海鹽縣東南五十步

故邑城

至元嘉禾志在海鹽縣東北三十六里周

回半里

天啓平湖縣志故邑城在乍浦故邑山下一作顧邑顧榮之先句踐支庶封於此子

孫遂以為姓漢海鹽縣治也宋劉裕追孫恩復築城於此名勝志平湖縣七里為故邑山東漢時海

鹽縣陷為湖移置此山尋馬蹕為秦舊邑因名故邑又作顧以為顧視此邑嘉興府志海鹽縣東南

郭下里有東城又縣東南有古城古顧音相近此即東顧城也間牕括異志今故邑山居民掘地多

得古器物蓋縣治舊址耳

于城 萬厯嘉興府志在海鹽縣治西北十八里有

于相國廟皆吳王禦越之所

嘉興府志海鹽縣西開濟鄉有興城里今

止有興城橋于興音近而訛歷志不詳所自惟仇志云袁崧所築以其地有教義里意為崧耳

馬嘒城 越絕書吳代越道逢大風車敗馬失匹馬

啼嘒事見吳史名勝志在海鹽縣治東南三百步

海鹽縣圖經吳禦越城亦名馬嘒城九州志云谷水之右有馬嘒城即此

望海城 海鹽縣志縣南三十五里唐開元五年置

何城 萬厯嘉興府志在崇德縣治西

名勝志向踐拓地北至禦

兒夫差築何晏管萱四城拒之何城
有何津王廟相傳吳王遣以築城者

萱城 萬厯嘉興府志在崇德縣治東

名勝志在崇德東津鄉

槁李城 九域志史記吳伐越句踐迎擊之槁李賈

逵曰越地杜預曰今吳郡嘉興縣南有槁李城即

其地也

弘治嘉興府志槁李城在桐鄉縣濮院之西濮院即古槁李墟也其地有范蠡塢嘉

禾百咏考去郡城西南四十五里因其地產佳李故名越絕作就李公羊傳作醉里相傳吳王醉西

施於此

謹按秀水縣志亦載槁李城因濮院在秀水西南壤相接也然據嘉禾百咏考云去郡城西南四十

五里則其地析屬桐鄉
當從弘治郡志為確

晉嘉興屯 至元嘉禾志嘉興縣高王廟高使君晉

建武中出為監屯校尉領兵三千屯結於此

唐嘉興屯 弘治嘉興府志高豐廟在嘉興縣東十

八里唐屯田之所

宋節推廳 弘治嘉興府志在郡治西南三十步元

為管軍鎮撫治

王持厘為記

宋州倅東廳 至元嘉禾志在郡治東二十步宋張

先為倅於此

宋州倅西廳

至元嘉禾志在郡治西通判廳

嘉興府圖

記俱入嘉興縣治內

宋司理院 至元嘉禾志司獄司在郡治南五十步

舊司理院也

嘉興府圖記府獄洪武中即宋參軍舊廨為之

宋嘉興縣丞廳 萬厯秀水縣志興聖寺去縣東南

二百武舊為嘉興縣丞廳

揮塵錄孝宗誕育於此後為興聖寺理宗御書

流虹聖地興聖之寺

宋嘉興監 太平寰宇記嘉興監本秀州嘉興縣煎
鹽之所升為監

宋監倉東廳 嘉興府圖記府治東北入靈光街為
布政分司在宋時為監倉東廳入元為廉訪分司
宋漕運司治 嘉興府圖記在府治東北一百步當
瓶山南守禦千戶所本宋漕運司舊址元時嘗調
邳州翼萬戶鎮守

宋廣惠院 嘉興府圖記由府東出春波門一里天

馬橋直北為養濟院在宋時為廣惠院

吳潛為記

元嘉興路總管府 至元嘉禾志在子城內舊府治

也譙樓外有舊宣詔頒春二亭

金吾為記

元錄事司 至元嘉禾志在郡治西北二百步舊監

倉東廳

元漕運司 弘治嘉興府志在府治北二百步

元浙江鹽提舉司 至元嘉禾志在府治西南一里

半舊買納鹽場也

元鎮守萬戶府

至元嘉禾志舊府判東廳

元管軍鎮府

至元嘉禾志舊節推廳

元營田都務

至元嘉禾志在嘉興縣治南二十六

里

元嘉興縣衙

至元嘉禾志在郡治東北二百步

元在城酒稅司

嘉興府志熙春樓在郡治北五十

步元原屬酒庫故坊亦名燕春今為驛

紫桃軒雜綴宋時立

酒務於州治後罌罌之屬陶以給用
所退破甃隱起成岡所謂瓶山也

元新城務 弘治嘉興府志在秀水縣西北二十七

里柿林鄉新城鎮洪武三年改為新城稅課局

嘉興

府志城本作滕即柿林即
曾魯公丞相權新滕稅處

元陶莊務 弘治嘉興府志在秀水縣東北五十四

里思賢鄉陶莊市洪武三年改為陶莊稅課局

元風涇白牛務 嘉興府圖經在嘉善縣治東北二

十四里風涇鎮洪武三年改為風涇稅課局

元魏塘務 萬厯嘉興府志在嘉善縣慶豐橋北宋

亦有酒務

漢海鹽縣舊治 輿地廣記縣之故治順帝時陷而為湖今當湖是也大旱湖竭城郭猶可識

元海鹽縣衙 至元嘉禾志在縣城隍廟北三十步有舊宣詔頒春二亭遺蹟

唐寧海鎮 至元嘉禾志在海鹽縣東天寶十載太

守趙居貞置淳化二年移置近縣一里

海鹽縣圖經元陷入

海又東一里為橫浦東南五十里為貯水陂以及望海鎮鎮海樓海月亭諸蹟俱淪於海

漢司鹽校尉 海鹽縣圖經吳王濞置司鹽校尉居

馬皀城煮海擅利其地即名海鹽鄉

宋鹽場 萬厯嘉興府志海鹽縣沙腰村為海沙場

鹽課司即宋鹽場明道間罷景祐間復置

宋嘉興貢院 間牕括異志本海鹽州學有采芹橋

泮水之舊規在焉後遷學鳳池坊此地遂為貢院

元海鹽在城務 嘉興府圖經西關大柵橋南為海

鹽稅課局即元稅課務

元湫浦務 嘉興府圖經海鹽縣西南三十六里為
湫浦稅課局宋初領於鎮嘉定間別置元為湫浦
務

元崇德縣衙 至元嘉禾志在天清宮東北五十步
舊縣治也有舊宣詔頒春二亭遺蹟

元崇德在城務 嘉興府圖記崇德縣東北為河泊
所本宋酒稅務洪武初改稅課局正德中罷為河
泊所

元石門務 嘉興府圖記桐鄉縣西南石門鎮東柵

為宋石門稅課局吳元年崇德縣重建分隸桐鄉

嘉興府志宋黃勉齊曾監石門酒庫
其中提領劄云石門為酒庫之首

元當湖務 嘉興府圖記平湖縣治西二百五十步

為當湖稅課局元為當湖務

元市舶司 萬厯嘉興府志平湖縣治西南二十七

里為乍浦巡檢司元為市舶司

元乍浦務 嘉興府圖記平湖縣治南

元廣陳務 嘉興府圖記平湖縣東二十七里

元留濟倉 嘉興府圖記平湖縣治西二十七里為
廣陳預備倉元為留濟倉洪武中重建

宋巡檢寨 嘉興府圖記桐鄉縣阜林巡檢司宋初
曰巡檢寨在縣市南右為阜林驛

徐長者園 嘉禾百詠考在嘉興長者宋人學道年
八十治圃栽花於此

柳氏園 弘治嘉興府志澎湖在嘉興縣南二里有

柳氏園柳氏宋世科也

周伯琦柳氏園記駕鵞湖舊有宣公書院後廢至紹

定中軍倖陳垣重於園中設宣公像而祀之嘉興府志園後即會景亭

會景園 名勝志在瀧湖濱宋潘思旦園又名會景

亭

嘉禾百詠考園中有南塢海棠亭白蓮沼桃花亭紅薇徑茶溪仙鶴亭芙蓉塘白苧橋漁淑十

景趙孟頫瀧湖會景亭記故宋尚書潘公知秀州時愛州之水深土膏遂有卜居之志及仕至通顯即解印歸治室於郡城東春波門外償初志也由南塢暨漁淑可游者凡十一所皆利於舟楫而會於斯築土為室構木為亭列樹花果松栢榆柳於其前良辰美景載酒周游沿回放浪歸則憩於亭上因名會景亭陸蒙老會景亭詩清入闌干酒易醒春風楊柳幾沙汀平波抵得瀟湘濶只欠峰螺

數點
青

趙老園 嘉禾百詠考在郡城西三里景德寺後析

屬秀水宋殿丞趙袞字希甫歸隱藏書之處陳堯

俞題曰趙老園

名勝志即白龍潭
三塔寺方丈後

焦家園 方輿勝覽宋殿帥焦虎臣園弘治嘉興府

志在秀水通越門內東北二百步舊有三峰石嘉興

縣志石高二丈餘宣德初為內使昇去今為花園倉萬曆嘉興府志園置流觴曲水石尚存

沈氏園 嘉興府志宋建炎初張俊討秀卒徐明之

亂至郡北沈氏園

陳園 正德嘉善縣志陳氏東西園在魏塘鎮元萬

戶陳景仁所闢內有雪月樓凡亭榭七十二元王

園器為記其西園即今縣治也

萬厯嘉善縣志至正時有星隕石於

鎮陳取為山今縣理所即隕石處

唐氏園 正德嘉善縣志在西塘鎮東宋大姓唐介

福兄弟別墅山池亭榭冠絕一時

常氏園 海鹽縣圖經宋常氏邑世家園距清瀨門

欽定四庫全書

浙江通志
卷四十一

西南郊牧間有滇茶照五里外後為呂氏秀遠莊

獨寤園 百可園 嘉興府志並在海鹽縣北城皆

鄭端簡讀書處

餘春園 嘉興府志在海鹽一名小瀛洲嘉靖中徐

咸築

明詩綜子正守襄陽歸築園城
闡自撰社會記後舍園基為倉

東西張氏園 名勝志崇德石門塘

嘉興府志宋張
子修嘗監石門

酒稅因家焉與邑人張汝昌並有園林之勝內有
流杯亭遂初亭乳鴨池戴敏張園詩乳鴨池塘水
淺深熟梅天氣半晴陰東園載
酒西園醉摘盡枇杷滿樹金

東舉園 嘉靖平湖縣志魯簡肅園自縣治迤東皆

其遺址今游橋尚存一云東舉園在博陵祠後今
為東林禪院西舉園在今楊梅園地今為西林禪
院

昭明讀書園 嘉興府志一名昭明館昭明太子師
事沈約就館於此後捨館為吳德寺今青墩之密
印也

東舉園 至元嘉禾志在崇德青墩宋處士沈平所

欽定四庫全書

卷四十一

構

嘉興府圖記有釣漁磯梅花關賽蓬萊堂迷仙境綠荷池宰執鄭太師吳履齋趙觀相皆嘗游

歷每元宵節宴集於此端平末廢烏青志入明為李參知奉勺園內有餐英館木雞窩長嘯閒吟二

亭真隱樓香蓬居今屬桐鄉境

彰慶館 樂郊私語海鹽縣西安仁橋宋樞密郭三

益彰慶館基也

弘治海鹽縣志為縣人郭瑑立以瑑居隘令對門

蓋亭以為延賓之所亭名彰慶宣和中令徐盤立石

綺川館 海鹽縣圖經在縣東南尉廳之南亭景德

三年令翁煒建於夫子廟前池上

弘治海鹽縣志綺川館宋淳熙

八年尉趙善沛就
移風亭舊址建

錢王館 萬厯嘉興府志崇德縣治北三十里錢林
村吳越王微時曾館於此後貴改為祖祠

語溪館 至元嘉禾志崇德縣西南有語溪館

錦莊 至元嘉禾志嘉興縣東八里元有白蓮寺廢
址後為趙州倅雋之錦莊

布哈莊 嘉興府志許恂如詩注秀水縣城北二十
里元丞相布哈莊今訛百花

蔣氏莊 至元嘉禾志城南舊為游賞之所

梅花莊 嘉興府志洪武舉人王鏞與弟鈞居梅會里梁孟敬有題嘉興王氏梅花莊詩

竹莊 萬厯嘉善縣志在魏塘鎮後元吳瓘所闢也舊有池數十畝天然若湖構水心亭瀟灑卓絕

沙棠莊 正德嘉善縣志在西塘鎮東元馬氏居之有垂絲海棠一本圍可四尺旁有海棠亭釣魚臺杏花莊 萬厯嘉善縣志在風涇西南半里元戴光

遠別墅栽杏花甚多

東作莊

萬厯嘉善縣志在魏塘街孫詢別業

李東陽春

日東作莊詩知時好雨正當春黃犢籬邊綠
水濱林外不須催布穀農家自少晏眠人

雲濤莊

漱水志在永安湖上九杞翁許相卿建即

為孫太白山人置鶴田之許台仲甫也

歐餘漫錄
鶴田在九

杞山書院之
陽倚山面湖

柳莊

嘉興府志崇德州鳳鳴寺東南二里鮑恂記

云程德剛所居

石莊 嘉靖平湖縣志在東泖宋江淮總管石都尉

賜莊有石田飼鶴有石亭有總管廟

天啓平湖縣志石莊記云

三泖之上大海環其外仰而見天天若彌峻扶桑出日江東暮雲往往可見之縹緲色象間亦風清

而局遠矣

嘯諾堂 名勝志在州治之西宋郡守沈括建

沈括秀州

官舍詩草滿池塘霜送梅林疎野色迴樓臺天圍故越侵雲近潮上孤城帶月回客夢冷隨楓葉斷秋心低逐雁聲來流年又喜經重九可意黃花是處開

山堂 弘治嘉興府志在府治內西北宋郡守張德

甫建後守李孟堅改名浩燕堂取沈括浩燕詩意
米元章書扁

六鶴堂 名勝志在郡圃宋太守鄧根所築後守徐
藏於堂北為雪牕外臨荷池

渙堂 至元嘉禾志在郡治圃內東北弘治嘉興府

志宋紹興中郡守王安道建後守李孟堅改名曰

衆樂嘉熙初府史宅之重修復名渙堂

史宅之修渙堂記郡

後圃東偏舊有渙堂紹興間太守王公安道所創也方南渡時公馳驅兵間歷艱履險者數矣其後

欽定四庫全書

卷四十一

南北講解上方樂天保民以生聚教訓從事嘉禾
去天最近公之至於是邦也不自意其生乎憂患
之餘一旦遂有為郡之樂羈懷憤感至是殆若渙
然氷釋者是雖世運推移其極必復而嘉興牧守
輯寧則亦莫非君上賜也蓋名堂之意昉此歲月
漸老間見不接後人榜之曰禾興則又以郡之所
得名者名斯堂也嘉熙改元余實來始延見吏民
具宣天子德意奉職循理夙夜不敢懈尚何所於
燕游居數月略見端緒上下稍稍相安調度僅不
至乏絕間從公餘與客登斯堂顧瞻榱桷傾圯若
將壓焉是不可不葺而新之且復名曰
渙使不廢其舊蓋是年冬十二月也

同穎堂 至元嘉禾志在郡治宋守俞浙改修齊堂

三瑞堂 嘉興府志在嘉興縣宋秀州司錄署

注洪忠宣宣和中司錄秀州年饑截留綱米全活
甚衆子三人適道邁並有名秀人建堂祝之俗呼
三教
誤也

竹野書堂 嘉興府志在春波門外龍圖葉時晚號

竹野愚叟咸淳六年建

胥山書堂 嘉禾百詠考在郡東二十五里舊經云

子胥伐越駐兵於此鄉人陳了翁之裔陳燧鑿石

結廬名讀書堂下有水曰胥江

嘉興府志元項冠
隱胥山因建草堂

春波草堂 嘉興府志在春波門外黃濤詩注云吳

鎮讀書於此

三過堂 嘉禾百詠考在本覺寺東坡三過文長老

有詩後人因建堂至元嘉禾志後又名東坡館

釋居

簡三過堂記公以熙寧五年擢開封府推官乞外通守杭州之明年有事於潤道過槁李尋訪馬而我眉翠掃形於聲詩抑見文固有以致公者後六年自徐移湖再過馬文病且老又十年自翰林學士除龍圖閣學士知杭州又過馬文死矣所謂三過門間老病死於以見其致意於文甚深慶元初蜀僧本覺來住山得公第三詩於禮部尚書楊公汝明家遂集帖字同前二詩登諸貞石住山元澄作堂曰三過補山中闕文而以致其思予為之記嘉定甲申

南湖草堂 嘉興府志宋閭人滋自記云東西兩湖

相連故曰鴛鴦湖又曰南湖以其在郡城之南而

草堂獨得其勝

秀水縣志即吳陸瑁池

孝友堂 秀水縣志在城中宋紹興間翰林學士項

相與弟棟虔於奉親兄弟友愛而作

真德秀項氏孝友堂記

友堂者翰林學士嘉禾項公兄弟二人奉親而作也公以聰明之資簡重之器魁傑雋偉之材佐天子禮樂太和之治而公之令聞令望日新月盛明良相逢千載一時天下之人莫不仰慕公之為人而不知公之所以致是者蓋有本矣公自鄉里讀書養親罔有違越篤愛其弟恩意藹然及舉孝廉

登顯榮歟歷中外雖身都富貴未嘗一念不在乎親也而公之弟服勤致養克盡子職亦未嘗不以公之心為心也孝友之至通於神明故公之先尊及太夫人咸被推恩茂膺錫命者雖曰積善有自蓋公兄弟孝友實有以獲乎天子也公世本洛陽自大理評事公晉隨駕南渡公為晉孫顯於開禧紹定今兄弟德行道義又為當時所重則公世濟其美者其來遠矣詠蓼蕭於小雅哦鴈鴒於曹風其為父子兄弟足法而後可以教國人者余於公之兄弟見之矣公名相字汝弼弟曰棟字汝用紹定二年記

環碧堂

貝瓊環碧堂記
李南為幽湖巨族朱顯

道民世家於此水周其下題曰環碧周伯溫書

北山草堂 項玉筍北山草堂記去郡二十里餘曰

北山沈氏鑿池累石手植九松今高百尺合數圍

陳恂九松歌相傳南渡攜家植於此
麟溪子孫十九傳約略與松五百年

相隱堂 海鹽縣圖經紹興元年令歐陽延世建名

思曾為魯簡肅立也後令祝閔以秦師垣曾肄業

縣宇改名將覺令林仰易名相隱以唐僕射姚南

仲宋參知魯宗道皆令鹽也令李直養又改名喜

雨後改名景魯一堂凡五名

雙樞堂 至元嘉禾志在海鹽縣治令史彌迥立

燕鹿堂 嘉興府圖經海鹽縣治內宋時建

道愛堂 海鹽縣圖經在縣治北元至元戊寅令王

澤立

帥正堂 陸居仁帥正堂記元泰定乙丑海鹽州知

州王協中同知張邁為監使李蘭奚立

時阜堂 漱水志即鎮解之東廳監鎮傅朋壽題扁

秀野堂 漱水志在鮑郎場鎮解宋嘉定中司場朱

俯立黃裳記堂中設米老畫蔡邕焦琴

美固堂 漱水志在水軍寨宋淳祐九年統制邢子

政立

方洲草堂 海鹽縣圖經在遷善橋巷張黃門故宅

張寧方洲草堂記草堂疊石為山山上有蒼玉峰
東垣扶頰峰宿雨巖滴露巖歸雲洞蘭雪坡茶烟
岫詠月嶠卓碧巖洗硯泉映山池皆饒石刻字周
植小桂梅竹雜卉高廣未滿尋丈而欲擬諸大山
可發一笑山雖小而氣象景色生意畢具名之曰
一笑山其北有舍環竹為覆篷仰飾素粉牖戶內
外皆墁瑩一色通明虛白恍若一舟寄泊於湖山
風雪間名之曰雪夜歸舟揭諸簷楣所以志余之

自得也

讀書堂

嘉興府圖記在崇德舊解宋令黃元直取

韓詩出宰山水縣讀書松竹林

清心堂

秋芳堂

問梅堂

澄碧堂

嘉興府圖

記並在崇德縣治西圃

平易堂

正德崇德志在崇德縣治內宋乾道中令

葛邠建

杜申平易堂記樂兒為邑浙水上游公舍有堂名之曰平易蓋知治道所以然也乾

道二年八月右從政郎青陽葛公捧檄抵官到去
圭角露除崖岸以樂易處心以儒雅飾吏略煩碎

而舉其大綱示敦篤而鎮以至靜未旬歲間民不駭政俗皆安堵市無喧鵲之警野有馴雉之異綽然得循良之稱而平易之政固行矣推簡易之理昭賢人之德左右聖主恢張治具則由此一堂而清淨之化可以覃及海隅曹參在漢而民寧一用此道也公其有之公諱邠字用光

清風堂 正德崇德志在尉解之東宋紹興中建

椿桂堂 至元嘉禾志在崇德縣崇福寺西五桂坊

以莫氏五子登第建

謝諤椿桂堂記紹熙三年莫氏五子曰元忠若臨似之若

拙若冲相繼登第母袁年八十一在堂監丞周必正榜其堂令朱軾立五桂坊宋陳造椿桂堂詩為莫倅作日日高堂笑臉新五株芳桂拱靈椿枝榮非霧根盤石共閱壺中不盡春雁影聯翩上絳霄

庭蘭再世更奇標義方可但
燕山竇行跨當年八葉蕭

漁簑堂 嘉興府志崇德舊志宣政間張公秀從葉

石林游風流秀出來丞崇德遂居邑郊堂曰漁簑

怡堂 嘉興府志在崇德千乘鄉蔡氏閔開闢兄

弟同居故名

陸坡題蔡氏怡堂詩君家孝友栽培
舊滿室春風一字褒冲氣本來均脉

絡利心寧復問絲毫臆陰騰覺荆花台林影爭
看桂子高祇恐功名漸催迫翻思對榻雨蕭騷

浦花堂 天啓平湖縣志在德藏寺後宋僧可觀號

竹菴所築

來青堂

嘉興府志在石門爰山元陸容之所居

香遠齋

至元嘉禾志在郡治內舊名三几

教簡齋

至元嘉禾志在舊東府判廳

樂全齋

明一統志在嘉興縣治東北宋皇祐間主

簿王存建自為記

櫟齋

嘉興府志在嘉興縣宋衛湜建以藏書

葉適櫟齋

藏書記余友衛君湜清整而裕澹泊而詳酷嗜書山聚林列起櫟齋以藏之與弟兄羣子習業其中夫其地有江湖曠逸之思圃有花石奇詭之觀居有臺館溫涼之適皆略不道而獨以藏書言者志

在於學而不求安也又其自以為標者真無用於世矣非退托而云也蓋君之力良難而任良重問學之要除之又除之至於不容除盡之又盡之至於不容盡故稱釣石必以鉢會億萬必以一讀雖廣不眩也記雖博不雜也日融月釋心形俱化聲色玩好如委灰焉然後退於櫟而進於道矣固宜漏衆美而以書言也實襄綺籍不敢觸手金匱石室猶存其人茲外與非內與

希賢齋 至元嘉禾志桐廬方誼為朱文公門人乾

道四年徙居於嘉興北門築希賢齋文公為書扁

只是齋 嘉興府志在嘉善縣魏學洙之齋以忠節

被逮時有只是讀書數語因以名齋

西齋 海鹽縣圖經有水竹幽居之勝古之東林社也

聽雪齋 胡儼聽雪齋記孫固讀書於顧渚之陽顏其齋曰聽雪

彝齋 癸辛雜識趙孟堅字子固居嘉禾之廣陳里彝齋

學繡軒 名勝志在秀水縣城西九里相傳西施學

刺繡於此

嘉興府圖記今為學秀堰上有塔萬歷秀水縣志後誤為岳秀

獨柞軒 嘉興府志徐一夔居白苧里牖外有一大
柞一夔有獨柞軒記

清節軒 海鹽縣圖經在丞廳東偏宋紹興初丞李

益建

李正民清節軒詩新種秋篁翠葉稠凜然清
節坐驚秋官曹正類崔斯立風味仍同王子

猷暫却驚鷄客退食他時驚鳳小遲留
吟哦自是名家事我亦身閒愧食浮

雙桂軒 海鹽縣圖經宋紹興中簿陳震之建在主

簿廳之南

舊時月色軒 海鹽縣圖經宋裔趙公範軒其故居

徐一夔撰記

朱朴題舊時月色軒詩蝶老花殘燕不歸酒闌香盡客來稀多情只有黃

昏月依舊清
光照瑣闌

南軒 嘉興府志 宋陳簡齋讀書處在青鎮芙蓉浦

侗鄉縣志宋陳興義卜居青鎮讀書廣福塔院有軒西對芙蓉浦名曰南軒至元間僧元巖復繕治之趙子昂為作古篆顏其外曰南軒

嘉慶亭 嘉興府圖記在郡圃後堂之北

嘉興府志明成化間

守徐霖疊石為山稱嘉慶山

花月亭 弘治嘉興府志在府治內張先嘗作詞有

雲破月來花弄影之句故名

至元嘉禾志舊府判東廳張時為倅後更

名來

月

垂芳亭

玉明亭

至元嘉禾志並在郡圃

最宜亭

留春亭

翠涼亭

水香亭

嘉興府圖

記並在郡圃內宋建

平遠亭

元翫亭

至元嘉禾志並在郡圃內子城

上

序賓亭

清風亭

弘治嘉興府志並在府子城東

金風亭 晏公類要舊在嘉興縣西南二里

利川亭 觀風亭 野泉亭 朝宗亭 弘治嘉興

府志在子城北宋紹興間並守張瑜建

嘯鶴亭 至元嘉禾志在舊東府判廳

碧漪亭 雪香亭 杯水亭 至元嘉禾志並在舊

西通判廳

延雅亭 春風亭 春雨亭 嘉興府圖記並在嘉

興縣治內宋建

嘉禾亭 嘉興府圖記在府子城西北宋建

秀水亭 弘治嘉興府志舊在府子城西南宋建今

建於秀水縣治北天和清明則水漾五色

月波亭 弘治嘉興府志在秀水縣治內後圃宋建

東津亭 嘉興縣志蒯搭坊東馬橋東水次東道駐

節之所

列岫亭 樂郊亭 水心亭 嘉禾百詠考在滄湖

之南

臨津亭 弘治嘉興府志在嘉興縣

凝碧亭 浮玉亭 萬厯秀水縣志並在烟雨樓側

槁李亭 弘治嘉興府志在秀水縣西南二十七里

本覺寺

秀水縣志吳越戰爭之地後人立亭以識之鄭鮮樞李亭詩閒抱琴書槁李游仙壇

古屋一筇留驛橋通市人沽酒湖水依城客放舟
葵扇挑笙聊却暑蘋花楓葉已知秋坡翁仙去詩
聲在寂冥林
塘卧白鷗

女陽亭 秀水縣志學繡堰在縣西九里河塘上有

塔塔東舊有女陽亭後改為種玉亭

嘉興府志亦名女兒亭

謹按越絕書女陽亭者句踐入吳夫人從道產女此亭養於李鄉句踐勝吳更名女陽更就李為語兒鄉其地大約在秀石桐交界之間然其定處已不可考矣

冷仙亭 秀水縣志在天星湖去縣治東北三里有

冷協律祠

落帆亭 秀水縣志秀水縣北杉青堰宋建舊有宋

秀王諸公送鄉人陳確持節江東留題

鏡香亭 至元嘉禾志在慈恩寺南二十步今為營

林進子鏡香亭詩綠楊深處兩三家幾度凭闌聽沸蛙雲錦已空烟水濶空教人憶舊時花

稅暑亭 秀水縣志在聞家湖元至順間里人朱張
宮壽建

漱芳亭 秀水縣志在靈光坊舊宣公書院中

高卧亭 正德嘉善縣志在魏塘鎮宋宗室若誦建

留衣亭 嘉興府志在嘉善縣汪令貴被誣去民送
者數千人請以所遺為念不得已解綠衣而去

望月亭 嘉興府圖記在海鹽縣治內宋時建

深樾亭 海鹽縣圖經宋紹熙中令李養直於縣治

後園作亭下瞰清池取韓詩宰縣坐深樾名之

魯浦亭 海鹽縣圖經藍田浦在縣南三里長十八

里浦為魯公宗道所開因名魯公浦作亭其上

黃鹽

魯浦亭記 茂苑之東偏禾興之近鄙邑居之盛海鹽在焉先是地非五達之郊物殊一鄙之會魚鹽攸產聚庸實繁城郭雖存居人無幾碗確之田弗藝富庶之教未孚民將疇依時思俾又景德初今參政扶風魯公來蒞是邦實綰銅章公琰社稷之器誠謂屈材子游絃歌之聲此焉靜治一日詢耆舊之說採溝洫之制得白塔古港於縣之西南隅憫然奮發瘡痍是圖相其方而有初詮其衆而胥悅先庚之令既下獻力之徒坐集量期台役書以授師曾未越月洪波乃道自海口達邑中凡十有

八里而遠其清可以流惡其潤可以蒙福析之可以
藥其氣渚之可以鍾其美沒灌之益嘉禾惡種
無不猥大也藥涉之利浩商善賈無不駢集也向
之編管把桿之陋販脂賣漿之微率有廣廈之居
間多阜財之積環邑之內變為豐泰厥後二十年
間公入奉論思乃參宸政而負海之吐蒙賴乃利
蔽棠之野風謠如新遂指其港謂之魯公浦焉天
聖丙寅伍君佑由佐署局為縣大夫且嘉其陸杜
之風愛芍陂之饒衍來歟政之暇鳩鴈功之材作
為新亭於浦之上因地而名識其始也觀夫華懷
鏤檻麗丹雘之奇茂林修竹蔚澄凝之趣雖為游
適之所實有清幹之機將俾夫登豫章耆想孺子
之風游魯山者懷紫芝之化斯亦凜凜庶幾仁智
之用心矣乃落成之始監郡集仙李君昭詒書狀
徵文刊記勤請之辱敘讓弗遑聊撫梗
槩以附於民謠之末時天聖六年正月

弦風亭 漱水志在海鹽海岸鎮官收稅之地紹熙

間創名曰觀瀾寶慶三年監鎮趙潛夫改今名趙潛

夫弦風亭詩怪他蟹舍蛟房地不是吟情佳亦難
數尺短牆圍畫寂半鉤疎薄障春寒水生草滿蛙
鳴合日薄花陰鶴夢安底處青衫舊司馬浩歌東望取琴彈

海月亭 萬厯嘉興府志在海鹽縣治東七里今治

去海不三百步舊蹟不復存矣李正民海月亭詩新亭注目了無邊

脫屣塵寰思杳然萬頃秋波翻浩渺一輪明月對
虛圓光生銀漢疑無地望斷蓬萊別有天赤水棗

花君莫問新詩

賡唱似朱絃

義和亭 觀風亭 至元嘉禾志在崇德縣治宋建

可愛亭 秀野亭 正德崇德志在縣西園並宋令

黃元直建

承流亭 嘉興府圖記在崇德縣治北宋建

南亭 正德崇德志史記元封元年封轅終古為禦

兒侯孟康注云吳南亭也在今縣內

柴辟亭 越絕書語兒鄉故越界名曰就李吳疆越

地以為戰地至於柴辟亭

謹按吳築石門以拒越在今石門縣北二十里玉谿鎮是則石門之北屬吳石門之南故越地也越絕書稱故越界其文甚明柴辟亭當屬石門縣

語兒亭 晏公類要吳地志曰越之北界句踐伐吳至此

三友亭 桐鄉縣志在青鎮陳簡齋讀書廣福塔院所與友善者西庵僧洪智士人葉天經後人為建三友亭

璇星樓 至元嘉禾志在郡治內東偏

近民樓 至元嘉禾志在郡治西舊通判廳子城上

披雲樓 弘治嘉興府志在府東北子城上宋紹興

間知州方滋建

嘉興府圖記即披雲閣後更名風月無邊樓陸蒙老披雲閣詩城角

巍闌見海涯春風簾幕暖飄花雲
烟斷處滄江濶一族樓臺十萬家

熙春樓 至元嘉禾志在郡治北五十步今為驛

月波樓 嘉禾百詠考在郡西北城上宋元祐中知

州令狐挺建政和中毛滂重修下瞰金魚池唐刺

史丁廷贊嘗養金鯽於此

毛滂月波樓記秀州修月波樓成假守毛滂置

欽定四庫全書

卷四十一

酒其上因語坐上客曰望而見月其大不過盤盂然無有遠近客光必照而秀澤國也水濱之人起居飲食與水波接此二者秀人咸得而有之昔令狐君挺為此樓以名月波意將攬取二者於斯樓之上或者登樓四顧使能明目洗心有如月與波則其治民猶越人之治病豈不盡見五臟之癥結也令孤君之名樓豈有意於此耶今樓之下池水纔尋丈間亦聊足浴鷗鷺爾極目野田無三數里遠鄭毅夫題詩其上乃云野色更無山隔斷天光直與水相通毅夫之喜誇也如此故老為余言此樓建於至和之甲午規模甚陋亦幾圯今又當甲午一變而壯麗若此獨恨登覽者有時而老而此樓固突兀百尺與光景蟬連俱在也滂聞而歎曰樓雖壯且麗顧可恃哉壯當有時而傾撓麗當有時而漫滅祗使後人來發悲慨爾今邦人相與出游而喜甚徒以有此樓故也至其人散酒罷水波月出余獨擁鼻微吟捋鬚遐想蓋意已超然遺塵埃出雲氣將不月而明不波而清

不樓居而高也吾於此時蓋得佳處且將以遺來者異時有登臨而及余所後者余雖不及見意其若見余也
陸蒙老月波樓詩月移宮闕下銀潢碧轉闌干
萬頃光我是水晶宮裏客倚樓猶自羨滄浪

朝陽樓 明一統志在府治東子城上宋建

景龍樓 揮塵錄宋孝宗幼時登樓墮地左右失色
孝宗屹然不動寺僧相傳先夕夢金龍挂於樓角

翌日有此故名

萬懋嘉興府志即東塔寺東廡鐘樓

太平樓 嘉興府志在宣公橋東

風光樓 秀水縣志水西寺前橋右曰迴龍左曰爽

溪舊有風光樓跨橋上

烟雨樓 嘉禾百詠考在秀水縣滄湖之濱吳節度

使廣陵王錢元璪建宋嘉定中王希呂重修明嘉

靖間知府趙瀛濬內隍淤土移填湖中構樓五楹兵

部沈燧復闢其後為釣魚磯遂為南湖之勝秀水

縣志萬厯間守龔勉起層臺名釣鼇磯後以河為

放生河立碑曰魚樂園

晁米館清課嘉禾環郡城皆水烟雨樓當高阜之勝

瑁牕綺閣四面臨湖其妙在輕烟拂渚山雨欲來時漁船酒舸微茫破霧但聞櫓聲伊軋耳

國朝順治十八年知府許煥重建尋廢康熙二十年同知李舜有重修又圯雍正八年總督臣李衛重建樓旁更創亭軒傑閣以復舊蹟

八詠樓 嘉興府志黃濤詩注云在蛋湖中為陸蒙老建今沙汀遺址尚存

湖溪樓 嘉興縣志在五龍橋畔即凌虛閣故址

十雨樓 嘉興府志補在秀水縣治東北二里許元妙觀因禱雨有應故名

得月樓 正德嘉善縣志在魏塘鎮福源宮後宋道

錄唐隱梅建

錢惟善得月樓詩明月未離海幽人先倚樓清臨半江水高占一天秋太

白偏能賦元規亦共游何人夜吹笛柳下暫維舟

雙節樓 嘉興府志補在海鹽縣治之坤隅太守張

寧卒有二姬寒香晚翠截髮誓死坐卧樓中鄉閭

異之遂以名樓

太虛一碧樓 嘉興府志在海鹽縣東湖元萬戶賀

傑建

春風樓 至元嘉禾志在崇德縣東南三十步宋知

縣奚士達以觀風亭改建樓下瀕河有室以備士

大夫艤舟之地

陸駿和奚宰春風樓卽事詩恍然極楠架虛空意象經營九仞功三

載笑談杯酒裏一時人物畫圖中金蘭結契從今始玉燭迎和與衆同却笑楚臺雕篆客強生分別

托雄風

弄珠樓 天啓平湖縣志在當湖舊名戲珠亭令王

羲民經始蕭鳴甲落成高其臺榭居然勝境

葵嚮閣 至元嘉禾志在郡治東舊東通判廳

凌虛閣

嘉興府志補舊在駕湖屹然水中

天籟閣

嘉興府志項元汴號墨林有鐵琴因以名

閣

吟香閣

嘉興府志補綠香井有吟香閣在錦帶河

通山閣

見宋劉昌詩蘆浦筆記序

今蘆渚
鹽場

鷄鳴臺

秀水縣志薦橋在春波門西北半里宋景

定間旁有鷄鳴臺

熙熙臺

至元嘉禾志在海鹽縣圃之東舊名月樓

李直養易是名

伯牙臺 海鹽縣圖經在縣東門外二十步臺側有

聞琴村聞琴橋

萬松臺 花史在平湖陳山後有萬松擁護

松風臺 天啓平湖縣志在德藏寺後

朱買臣宅 弘治嘉興府志東塔寺乃漢朱買臣宅

顧野王宅 弘治嘉興府志在府城東七里俗名顧

節墩

嘉禾百詠考嘉興縣東六里有顧節墩野王曾於此修輿地志又平湖縣東鄉上有顧書

堆亦野王
讀書處

陳舜俞宅

嘉禾百詠考在嘉興縣東二里崇寧三

年其孫捨基為漏澤寺

嘉善縣志舜俞有別業在清風澗即宋史所載罷官

後居白牛村
是其別業

陸裘公宅

弘治嘉興府志淨土寺本邑人陸裘公

宅在嘉興縣東三十餘里

王希呂宅

弘治嘉興府志在府治西南二里西河

上希呂宋尚書

范蠡宅 秀水縣志縣治西南二里金明寺相傳范

蠡故宅有碑刻陶朱公里

謹按范蠡故居本不可考後人因范蠡湖之名遂謗為陶朱公里

嚴助宅 萬厯秀水縣志天寧寺去縣治東北一里

本漢嚴助宅有嚴將軍井

徐尚書宅 弘治嘉興府志在郡治西北一百八十

步晉成帝時因夜井發光遂奏請捨宅為寺今精嚴寺也按舊靈光寺實錄尚書名恬今土地記名

熙

蕭王宅 至元嘉禾志蕭王太祖廟在嘉興縣西北
梁蕭氏興江左實有功在民故州縣多祠之惠安
寺即蕭王故宅也

陸贄祖宅 弘治嘉興府志在府治西南贄祖齊望
仕唐為祕書監大厯中因女誦法華經天陸花遂

捨宅為寺今為寶華倉

秀水縣志陸齊望宅在縣東南一里陸贄宅在城內

甜瓜巷按陸游入蜀記云抵秀州游寶花尼寺拜
宣公祠祠有碑闕壞磨滅之餘時時可讀蘇州刺

史于頔書大略言祕書監陸公齊望始作尼寺於此其後霸滄澧兄弟又新之後又有賢妹字意者陸氏嘗有女為尼云諱霸者宣公之父也又考舊志謂陸贄宅在縣東南大厯間女誦法華經又謂贄為吏部郎中霸之子此沿歐陽修唐書宰相世系表之誤耳不知劉昫舊唐書贄傳父侃深陽令以贄貴贈禮部尚書也不幾以祖父為父祖姑為女耶但務觀博識亦以贄為霸子他復奚怪也

裴休宅 弘治嘉興府志在秀水縣南四里真如寺

唐大中十年裴相休捨宅為寺有裴丞相祠

秀水縣志

按休傳未嘗宦禾地亦不言流寓
構李或父任浙東曾僑居於此耳

曹珪宅 弘治嘉興府志在府治西北珪自吳越守

嘉興後為蘇州刺史光啟中捨宅為羅漢院

婁機宅 弘治嘉興府志在府學前本參政婁機宅

郡守鄭定表為鳳池

朱敦儒宅 秀水縣志敦儒字希真南渡寓郡城有

讀書堂在天慶觀右

岳珂宅 秀水縣志在阜城門內珂號倦翁宋嘉定

中守嘉興後寓居郡城金陀坊著金陀粹編

聞人安遠宅 秀水縣志在天星湖北安遠鼎次子

陳大光宅 秀水縣志在城內大光字子克為縣丞

瑩中諫議孫見宋陸游入蜀記

林衡宅 秀水縣志在迎薰門外衡仕宋為秀州知

州

鮑恂宅 秀水縣志鮑恂隱居在西溪徐一夔西溪

西溪在嘉禾郡城之西三里溪流迴合匯而為涇貫而為港微波細綺皆潔妍可愛初即之置以秀

水名志稱秀水在北門外西溪其支流也緣溪上下長波平綠漫衍曲折若龍蛇馳騁樹木散出篁

竹叢生隱如深林絕壑今鮑先生之居在焉先生之居逐谿而成屋數楹在竹樹中高亢軒豁有疏

可茹有桑可蠶有牲魚酒醴可以供祭祀燕賓客
旁無雜隣農家漁舍參差相映白日悠永沙禽水
鳥之泳翔邛歌野唱之響應輕舟短楫之往來舉
不出於顧盼之外郡人至此之武陵桃源先生安
焉歎而言曰以天之福幸
存此廬吾將老於此矣

趙若誦宅 萬厯嘉善縣志在熙寧橋西若誦宋宗

室趙懃夫後至今後巷猶以天水名

鮑節制宅 正德嘉善縣志在陶莊市為宋鮑節制

別業中有喬松怪石環翠池石屋洞

楊任宅 嘉興府志在魏塘鎮任死難時有妾方孕

知縣徐本縱之後生子宏五世孫有幸存圖藏於家

千寶宅 碧里雜存寶海鹽人今靈泉鄉真如寺乃其宅基

何后宅 晏公類要在海鹽縣南三里晉何準寓居焉一夕羣烏啼噪乃生女他日復夜啼推之乃穆

帝立準女為后之日也

至元嘉禾志其地名烏夜村

謹按范成大吳郡志謂何后宅在吳郡南及朱買臣妻死亭灣在閭門外七里因古時郡縣廣潤後

來分析彼此互撫以
舊志所有故存之

戴威宅

武原志海鹽縣西資聖寺東晉右將軍戴

威宅也宅中井一日發五色光遂捨為寺

顧況宅

至元嘉禾志海鹽縣西南五十七里橫山

禪寂寺側況嘗有詩云家住雙峰蘭若邊數聲秋

磬發松烟山連極浦鳥飛盡月上青林人未眠即

此

劉長卿過橫山顧山人詩祇見山相掩誰言路
尚通人來千嶂外犬吠百花中細草香飄雨垂

楊開弄風却尋樵
徑去惆悵綠溪東

楊宣慰宅 漱水志漱浦城西門內大街南元宣慰

司楊梓居之建樓十楹以貯姬侍謂之梳妝樓國

初楊氏遠徙故居廢為延真觀

樂郊私語州人多善歌樂府其傳皆

出楊氏康惠公梓節俠風流善音律與武林阿爾哈雅之子雲石交善雲石樂府散套為當行之冠康惠獨得其傳其子國村少中復與鮮于去矜交好去矜亦樂府擅場以故楊氏家僅未有不善南北歌調者陳金過楊氏舊妝樓詩彩鸞飛去曲池荒朱箔依然繞綠楊春色不知歌舞盡野花猶學美人粧

李益之宅 正德崇德志在縣東十八里晉銀青光

祿大夫尚書李益之宅天福八年置為保安院

陳與義宅 正德崇德志在青鎮廣福院後芙蓉浦

上宋陳與義紹興乙卯自瑣闥請祠讀書僧閣自

稱簡齋居士及秋召拜不一年免去復來居此元

至元中趙子昂榜其室曰簡齋讀書處

左弘道簡齋讀書記

簡齋讀書處在青墩芙蓉浦上以宋參政陳公與義嘗居於此高僧大圓智洪邑儒葉大經懋實與方外交故簡齋集中多贈大經智老詩而所謂聖壽院者即今廣福也公於紹興乙卯歲由禮部侍郎給事中除顯謨閣直學士方巧聞茲地扁所居曰南軒自稱簡齋居士次年即被召拜左中大夫

參知政事不一年求免復來居南軒遂終焉昔人嘗作三友亭於芙蓉浦上後亭壞不復見而南軒亦祇馬無所聞矣予受業密印乃梁昭明讀書園廣福輔車也每過其處弔簡齋遺躅未嘗不歎命聞而加治之吳興虛齋趙侯為作古篆榜其室之內曰簡齋讀書處室之外曰南軒本其舊也

陸闕宅 舊浙江通志在平湖縣東北二十七里漢

陸闕隱處闕為潁川守致鳳凰之瑞因名鳳凰基

張紘宅 天啓平湖縣志去縣南百步元至正間里

人張紘別號南村多書因聚土成丘以為誦讀之

所號南村書堆

徐綱宅 桐鄉縣志宋淮東議幕徐綱宅在縣市後
宗族蕃衍今儒學基其一也

張伯淳宅 桐鄉縣志宋侍講學士張伯淳宅在石
門鎮玉谿橋西

貝瓊宅 桐鄉縣志史山即父山東峰前有貝瓊宅

貝瓊父山隱居詩獨客從來懶出村兩山一月雨
昏昏野花作雪都辭樹谿水如雲忽到門無復元
戎喧鼓吹試從田女牧雞豚來青處士時相
過猶是平原舊子孫自注余居在千金圩

宋濂宅 桐鄉縣志在濮院鎮梅花涇上有讀書臺

濮鑑宅 桐鄉縣志濮院鎮濮鑑為寧遠將軍有八

宅又有雪筠齋濮敬之築

辟塞 越絕書辟塞者吳備候塞也

秀水縣志在拱辰門外一里

寥陽殿 嘉興府志在郡治西北一里同元觀三字

葛洪書內有七賢遺蹟

范蠡塢 嘉興府志在顧村

正德崇德志水陂也在十金鄉顧村中有小島

世傳范蠡曾遊於此旁有洗足灘

龍墳 萬厯嘉興府志在復禮鄉小律原耕者時時得龍骨相傳大禹治水至震澤瘞龍骨於此

梅里 嘉興縣志王店鎮王達之武肅王時為嘉興鎮過使仕至尚書後居梅水百畝皆梅花至今稱梅里

梓宇 嘉興縣志在城中元舉人張翔南翼建堂前

文梓高可十尋

梁寅有記

茶屋 嘉興縣志元屠兼善嗜茶築茶屋貝瓊為記

米莊 嘉興縣志縣北百步橋側宋張循王俊子子
顏以王師進討兵食浩大獻米十萬石在百步橋
莊交割又有米棚亦宋人積米之所

景范廬 秀水縣志在金明寺後宋淳熙狀元姚穎
築圃范蠡湖側顏曰景范廬

義婦坡 嘉興府志在秀水縣後漢書列女傳呂氏
字榮吳許昇妻也居於此

橡林啜茶所 正德嘉善縣志在梅花道人墓側橡

猶存

采芝室 正德嘉善縣志在楓涇元王世昌所居楊
維禎有記

施延賃作處 海鹽縣圖經半路亭者漢施延賃作
處延後官至太尉亭始漢今在縣西北三十五里
比肩里 嘉興府志在海鹽縣吳黃龍中比肩人陸
東美所封里也事見三吳記

茶院 海鹽縣圖經在縣西南二十七里吳越王錢

鏐幸金粟寺令寺僧於此設茶

古田畹 漱水志王家畹在長牆山下石帆村即古田畹也今尚存數家生聚於其間

石門 正德崇德志在縣北二十里吳越壘石為門以為限隔之所

行幄殿 正德崇德志在石門宋建炎時車駕往來

就此置行幄殿

萬思嘉興府志其地為古驛基

洲錢 正德崇德志在縣西北二十七里四周皆水

其中一地如錢故名

石門縣志嘉定中斷地得古碑刻有云在吳郡嘉興縣洲

錢之陽知洲錢之名甚古名勝志宋南渡時士大夫寓此者二十餘家趙中公不求子善應生忠定

公汝愚為名相

白社 名勝志在十乘鄉宋末衛富益創

舞蛟石 嘉興縣志先在清宛堂後在徐隨州宅隨

州徇難以宅為祠今在祠內

岳和聲舞蛟石歌序石在范長康清宛堂

南高三十尺廣六尺側眠之若離而合者三怒目深爪若飢蛟壑舞相傳有北壯二峰此故其壯蓋

李唐間物籀而字之者趙松雪也

圓通寺銀杏

弘治嘉興府志二株歷唐宋至今

屠氏圃雙桂

秀水縣志在縣西屠氏圃垂蔭數畝

數百年物也

真如寺古松

秀水縣志葉燮古松歌序真如寺有

古松云是齊梁間物

天慶觀檜

至元嘉禾志枝柯偃蹇奇怪可觀有石

刊梁朝檜三字在其下

又崇德洲錢天監寺殿西南隅有梁朝檜

憂懼石

正德嘉善志永樂二年夏忠靖治水三吳

立巨石於福源宮前河中測其消長名曰憂懼

德藏寺鐘 閒牕括異志異銅所鑄音極洪響相傳
初鑄時有匠者云俟吾至六十里乃擊之既去方
至新坊寺僧遽扣之匠人嘆曰聲止於此矣

石屋 至元嘉禾志在海鹽縣南十八里豐山相傳
為秦始皇屯兵之所

九里松 桐鄉縣志在甌山前一望喬林如同巨壑
浙江通志卷四十一

欽定四庫全書

浙江通志卷四十二

古蹟

四

湖州府

下菰城 太平寰宇記在州南二十五里吳興記云

春申君黃歇於吳墟西南立菰城縣青樓連延十

里吳興志今故址猶存

吳興掌故郡志載春申君故宅在下菰城新志亦以

為城邑皆非也史記楚封歇為春申君封於江東
因城吳故墟以為都邑在今姑胥城內西北隅吳

興非所封今所謂下菰城蓋春申伐吳時築營屯
駐之處其四壁門可證弘治湖州府志以澤多菰
草因名黃潛登錢山望菰城詩吳興水為州諸山
若浮萍況此一培塿瑣屑世本名所欣漁樵居乃
與編錫并種竹有萬竿結節無十楹老僧解人意
蹤履能相迎芳草被行徑朱藤暗巖角蕭條空堦
落日照莓苔青猶嫵所歷半木極游眺情辭身白
雲上始見春申城想當高會時樓觀飛青冥竭海
薦蠶勾窮山羞龍銅安知千歲後寂寥無人行煌
煌冠蓋至蹴蹴狐兔驚歸來朱門客聽此松風鳴

戶城 弘治湖州府志在烏程縣西十九里吳孫皓

時置大皇帝陵戶二百家城於此

邱城 西吳里語在烏程縣北十八里近太湖漢丘

氏所居也吳越錢氏嘗築城屯戍以拒南唐宋紹興間嘗於此牧馬

卜城 弘治湖州府志在烏程縣西南六十里宋略云龍驤將軍益州刺史卜天與所築因名

避它城 太平寰宇記杼山在烏程縣西南今山上

有古城曰避它

顏真卿妙善寺碑按說文云它蛇也上古患蛇築城以避它也

南潯城 崇禎烏程縣志在縣東七十二里城周三里至正十三年張士誠築洪武二年拆修蘇州城

石城 太平寰宇記在烏程縣西南三十里昔嚴白

虎壘石為城與呂蒙戰今弩臺之蹟猶存吳興志

石城在下山

弘治湖州府志城山城在長興縣南五十一里西吳里語在長興縣石城

山吳時烏程嚴白虎築按史白虎與孫策相距又宜嘗與呂蒙相拒耶

吳城 西吳里語在長興縣南吳王使夫槩於吳西

鄙築城即此

邵緝長興吳城詩高臺無地曲池平漂泊句吳宿古城一岸溼雲沈夜色

四山涼葉
下秋聲

彭城 萬厯湖州府志在長興縣東北二十五里

黃城 弘治湖州府志在長興縣東北與郭轉堆皆

句吳所築

吳興掌故三城三圻在長興東臨太湖吳王屯戍之地步軍列三城水軍列三

圻禹歷湖州府志城與圻接吟吳城聯斯圻彭城聯石圻丘城聯蘆圻石圻今沒入太湖斯圻蘆圻

存仍

謹按吳興掌故載三城三圻不書城名而別列吳城一條云是吳夫榮築在長城東二里其里數與郡志所載吳城在縣北三十里者不合是別有一吳城不在三城內矣郡志載吳城彭城黃城云皆句吳所築當即是三城而又云吳城聯斯圻彭城聯石圻邱城聯蘆圻有邱城而無黃城其丘城又另列一條云在烏程縣北十八里雖同近太湖謂是吳越錢氏築又非句吳所築三城內之丘城也

考吳越備史無城烏程之文迄難考證大抵上古屯兵之地皆築城壘非止一處古蹟湮沒難以指

其定

處矣

九里城

弘治湖州府志在長興縣西南百九十里

東林城

弘治湖州府志在長興縣西南四十九里

吳時所築

西林城

弘治湖州府志在長興縣西南四十八里

吳時所築

大騎城

小騎城

太平寰宇記並在長興縣西南

一百十里吳地記云吳王濞築此二城為馬廐

朱城 輿地志在長興縣東南二十四里巖白虎壻

朱叔廩所築

四安城 弘治湖州府志在長興縣西南七十里隋

大業九年築後至元季武總兵重築

吳興掌故四安者吳興宜

興故鄣廣德皆保障於是也

將軍城 萬厯湖州府志在德清縣吳憾山吳王夫

差憾越築壘於此唐至德二年李光弼偏將軍辛

孜又築城其上號將軍城吳越錢王亦嘗屯戍號

奉國城以其在吳羌山又名吳羌城

吳興守故皎然詩有同李

洗馬入餘不溪經辛將軍故城按辛敬順郡之將也刺史獨孤問俗於上元三年因寇亂遣辛築城金鵝山以防南寇西吳里語唐廣德初袁晁陷浙中湖州刺史獨孤問俗率將士築城拒之以迎金

鵝山又名金鵝山城德清縣志在縣治西數里枕溪

謹按成化郡志將軍城吳羌城各列一條又云吳羌城即將軍城考山川志吳羌山在縣東南一里吳憾山在縣西南二百步明是二山亦明是二城矣至於至德上元皆唐肅宗年號上元無三年自至德二年至上元二年凡五年築城固屬同時是即二城之證也

永安城 弘治湖州府志在武康縣餘英谿北隋仁

壽二年中使蘇倫徙於谿南有四門東撫耘南朝
恩西懷安北平遠宋紹興間尚存

牙門城 餘英志在縣北五里鳳凰山北梁侯景之
亂縣人司徒長史沈子春築城於此子春時為牙
門將軍因名

赤眉城 太平寰宇記石城山在武康縣漢末赤眉
之亂邑人於山上累石為城

西吳里語山
巔有洗馬池

晏子城 吳興掌故在安吉西北二十里晏子鄉萬

歷湖州府志舊屬長興

西吳里語晏子娶吳王女築城於安吉後耕者每得

黃金狀如四角菱中有齊字有人題詩云豚肩不掩豆狐裘三十年身後黃金出其然宜其然

故鄣城 弘治湖州府志在安吉西北十五里秦置

唐併入長城今屬安吉

太平寰宇記今俗號府頭是也

後府城 嘉靖安吉州志去州西北二十五里吳大

帝所築

穆王城 嘉靖安吉州志在鳳亭鄉昔岳飛於此壘

土結管後謚武穆人遂以穆王城呼之

漢司隸校尉治 太平寰宇記春申君於吳墟西南

立菰城縣後漢司隸校尉萬向於此築版溉田

漢永縣治 明一統志在府城西北漢興平初太守

許貢奏分烏程置此縣

晉東遷縣治 弘治湖州府志東遷舊縣在烏程縣

東晉太康元年分烏程東鄉置

唐射堂 弘治湖州府志在白蘋洲西唐貞元中刺

史李詞建顏真卿為記

集古目錄射堂記顏魯公在湖州所書刻於石者

宋諸廳 弘治湖州府志通判廳在州治西偏治平

三年張大寧建添差通判廳在譙門內西偏舊司

法廳紹興七年建僉判廳在衙東門內添差僉判

廳在子城外之西舊稅官廨趙師皋始居此趙善

臨創廳事轉運提刑司廳在子城西南舊苔濱館

節度掌書記廳在僉判廳西錄事參軍廳舊在州

門內西偏後在子城外之西面南州院在焉司理

參軍廳在子城外之西面東司理院在馬司法參
軍廳寶元初建於子城西偏後為添差通判廳徙
於軍資庫北司戶參軍廳在司理院南兵馬鈐轄
廳寓鴻禧寺路分都監廳在添差僉判廳西舊兵
馬司也兵馬司在路分廳南兵馬押監舍一在小
景德寺一在南廟睦宗院在景德寺紹興中立

宋倉庫坊局 弘治湖州府志永寧倉在白蘋洲唐
建名永盈後改永寧宋嘉祐中重修常平倉在永

寧倉內西倉在清源門內軍資庫在譙門內唐建
嘉祐中重修常平庫在軍資庫西甲仗庫在儀門
內嘉祐中建公使庫在甲仗庫北都酒務在駱駝
橋東北慶元中建贍軍酒庫在子城東南舊迎恩
驛都稅務在雪溪南回易庫抽鮮庫俱附都稅務
醋庫在子城西南茶場在清源門南岸船場嘉祐
中創於白蘋洲東岸鐵作院附銅官廟安濟坊紹
興中置於奉勝門內惠民藥局在稅務右

宋兵屯 萬厯湖州府志宋太平興國中湖州設禁
軍營四威果在子城西南雄節在子城西北全捷
在子城西北龍騎在子城北廂軍營四崇節在子
城北壯城在子城西南水軍在子城北牢城在子
城北皆屯兵以司防禦

宋貢院 西吳里語王十朋乾道三年知湖州郡有
貢院廢弛已久乃出俸錢率州人共成之

宋教場 萬厯湖州府志在郡治西北內有正己亭

宋社稷壇 成化湖州府志舊壇在清源門內祥符

寺東宋政和元年知州章援建

弘治湖州府志又社稷壇二所一在

烏程縣西一里一在太湖旁後廢括地志烏程縣東一里孫皓宅前有社廟巷

元錄事司治 弘治湖州府志在城四廂不詳所在

元稅課司 弘治湖州府志在駱駝橋西

晉長城縣治 明一統志在長興縣東南十八里晉

武帝分烏程西鄉立長城縣於富陂村即此

梁城山戍 西吳里語長興城山梁太守張嶷與御

史中丞沈浚築戍以捍侯景之亂

隋長州治 明一統志在長興縣隋大業末沈法興

置此州後廢

隋鷹揚府 萬厯湖州府志長興縣四安城隋大業

九年置鷹揚府於此

唐綏州治 明一統志在長興縣唐武德中置因古

綏安縣為名又更名雉州後廢

宋貢茶院 弘治湖州府志在長興縣西北面官山

貞元中以吉祥寺置修貢堂有貢茶刺史題名

吳王屯戍 德清縣志縣南乾元山吳王築城於此

唐武源縣治 太平寰宇記德清縣唐天授二年置

武源縣成化湖州府志舊縣治在下蘭山面餘不溪

以水勢衝激天寶中移

弘治湖州府志舊志不載下蘭山未詳其所在

宋牧馬寨 德清縣志在縣西南宋殿前司馬軍每

歲放馬數千牧於此洗馬灘尚存其名

古防風國 輿地廣記武康縣本防風氏之國

太平寰宇

記防風山先名封嵎山上有風公祠下有風渚水
弘治湖州府志封禺二山禺山本禹十二代孫帝
禺所

居

謹按風渚蓋因防風氏得名弘治郡志載風渚湖
在武康縣東南十七里明屬湖郡自志杭地古蹟
者闕入風渚謂近金鵝山考郡志金鵝山在德清
縣西南五里惟路史注云錢塘有金鵝山防風氏
所封山下有風渚後
人因此遂沿其誤矣

唐安州治 明一統志在武康縣唐志云李子通立
安州又曰武州唐初因之尋廢

漢原鄉縣治 明一統志在長興縣漢中平初分故

欽定四庫全書

浙江通志
卷四十二

鄞縣置

長興縣志原鄉者以縣在山中多高原故也郡志以安吉舊治在天目鄉而不知其

為原鄉今復建為孝豐

芳菲園

吳興志吳越錢氏時清源門內有芳菲園

陳克佐間步過芳菲園詩盡日芳菲園不見芳菲好茂草與斜陽脉脉情多少

西園

崇禎烏程縣志縣署舊有西園見梅堯臣詩

趙氏三園

癸辛雜識在南城下與其第相連局勢

寬閒氣象宏大後有射圃崇樓甚壯

趙氏清華園

癸辛雜識新安郡王之家後依北城

前有大池

葉氏石林園

癸辛雜識左丞葉少蘊之故居在卞

山之陽萬石環之正堂曰兼山有從好承詔求志

等堂及淨樂菴愛日軒躋雲軒碧琳池又有巖居

真意知止等亭總榜曰石林精舍

吳興園林記其
隣有朱氏怡雲

庵涵空橋橋下為玉澗故少蘊以玉澗名其書劉

一止訪石林精舍詩山行不用瘦藤扶度石穿雲

意白徐夜過西巖投宿

處滿身風露竹扶疎

謹按石林辭有題意在亭又西園名春亭新成其
白撰石林山堂記云榜其廳之東西兩齋曰近仁

近智而廳曰樂壽明石
林中堂軒之名正多矣

畢氏園 癸辛雜識畢再遇承宣所葺正依迎禧門
城三面皆溪其南丘山在焉亦歸趙忠惠

趙氏繡谷園 癸辛雜識舊為秀邸今屬趙忠惠家
一堂據山椒曰雪川圖畫盡見一城之景

李氏南園 癸辛雜識李鳳山參政本蜀人居雪園
創此為游翔之地中有傑閣曰懷岷穆陵御書也
趙氏園 癸辛雜識端肅和王之家後臨顏魯公池

依城曲折雜植拒霜號芙蓉城有善慶堂最勝

丁氏園 癸辛雜識丁總領園在奉勝門內後依城
前臨溪蓋萬元亭之南園楊氏之水雲鄉合二園
而為一後有假山及砌臺

鄒氏園 向氏園 經鉏堂雜志並在雪川城內

南沈尚書園 癸辛雜識沈德和尚書園依南城近
百餘畝果樹甚多林檎尤盛內有聚芝堂藏書室
堂前鑿大池幾十畝中有小山謂之蓬萊池南樹

太湖三大石各高數丈秀潤奇峭有名於時

北沈尚書園 癸辛雜識沈賓王尚書園正依城北

奉勝門外號北村後又名曰自足有靈壽書院怡

老堂溪山亭對湖臺盡見太湖諸山

葉適北村記
戶部尚書吳

興沈公園於城北奉勝門外畝餘三十中涵五池
大半皆水惟對湖臺高不逾丈具臨前臨湖心遠
峰明晦滅沒近而後溪鳳凰屹弁諸山往往湊泊
於溪山亭臺之下殆或天與者故名其園曰自足
余嘗評天下山水之美吳興特為第一其山脈地
絡融液而津灌者莫非氣之至清淨止演漾澄瑩
紺徹數百十里接以太湖蒲荷蘋蓼咸衰榮落無
不有意而來鵬去鳥風帆浪楫恣肆泚泰不知其

所蓋仙聖之宅非人世也余海濱之人常恨不得生長其地今公乃以築圃大指使余記之豈非所願欲也哉

丁氏西園 癸辛雜識丁葆光之故居在清源門外前臨茗水築山鑿池號曰寒巖臨茗有茅亭

趙氏瑤阜園 癸辛雜識蘭坡都承旨之別業去城既近景物頗幽後有石洞嘗萃法書刊為瑤阜帖

趙氏蘭澤園 癸辛雜識園頗宏大園中作大寺

趙氏小隱園 癸辛雜識在北山法華寺後有流杯

亭引澗泉為之

經鉏堂雜志自西門出十八里法華寺側即趙氏小隱園庭宇雅潔

臨巨澗蔭喬松水清見底游魚數十
若行空中正所謂坐茂樹濯清泉者

趙氏蜃洞園 癸辛雜識亦趙忠惠所有一洞窅然

深不可測

趙氏蘇灣園 癸辛雜識菊坡所建去南關三里碧

浪湖在其前山椒有雄跨亭盡見太湖諸山

倪氏玉湖園 癸辛雜識倪文節別墅在峴山旁取

浮玉山碧浪湖合而為名中有藏書樓多野趣

韓氏園 萬厯湖州府志在南關外

癸辛雜識距南關無二里昔屬

平原肇從後歸余家名之曰南郭隱園城南讀書堂萬松關太湖三峯各高數十尺

劉氏園 癸辛雜識在北山德本村富民劉思忠所

葺後亦歸趙忠惠

錢氏園 癸辛雜識在毗山去城五里因山為之巖

洞奇秀下瞰太湖有堂曰石居

趙氏玉鑑園 趙氏梅園 張氏園 經鉏堂雜志

俱在雪川城外

白蘋洲三園 弘治湖州府志唐開成中楊漢公置

為一郡佳勝處光啟中李師悅改為倉

徐仲謀白
蘋洲三園

詩風流人物兩相逢白傅高文紀漢公
三園五亭裝郡景千花萬卉媚春風

南園 弘治湖州府志定安門內宋寶元中知州事

滕宗諒於此立五亭鑿三沼復楊漢公蘋洲之舊

慶厯九年知州事馬尋嘗宴六老於此六老者郎

簡范說張維劉餘慶周守中吳琰也胡瑗作序刻

石園中

吳興學故即漢公所置三園之一梅堯臣
早春游南園詩東國春歸早南園百卉宜

萱芽開翠穎杏芽破烟姿青瓏將鳴雉
喬林未轉鸛石尤風莫起芳物待君吹

桑苧園 吳文企桑苧園記在歸安以城為垣以河
為池逍遙者其堂鳴鶴者其亭樂度者其梁在唐
中葉陸鴻漸流寓此中自號桑苧翁

辛參政嘉林園 癸辛雜識文莊公居城南有池數
十畝元有潛溪閣昔沈清臣故園也有嘉林堂懷
蘓書院相傳坡翁作守多游於此

吳興字故沈清臣晦嚴園後為

辛參政所得其地本郎官之南
園為楊漢公所創三園之一

牟端明園

癸辛雜識本南園後歸李寶謨又歸牟

存齋中有碩果軒元祐學堂芳菲二亭萬鶴亭雙

杏亭桴舫齋岷峨一畝宮前枕大谿曰南漪小隱

趙府北園

癸辛雜識舊為安禧故物後歸趙德勤

有東浦書院桃花流水薰風池閣東風第一等亭

園正依臨湖門之內城上一眺盡見具區之勝

趙氏菊坡園

癸辛雜識新安郡王園昔為趙氏蓮

莊分其半為之前面大谿為修堤大橋亭宇甚多

中島為菊坡相望一水則其宅在焉舊為曾氏極目亭最得觀覽之勝今名天開圖畫

程氏園 癸辛雜識程文簡尚書園在城東宅之後依東城水濠有至游堂鷗鷺堂芙蓉涇

倪氏園 癸辛雜識倪文節尚書所居在月河四至

旁水

魏了翁倪正父墓誌君卜室城東之月河闢小園以逍遙名亭

葉氏東園 癸辛雜識石林丞相族孫溥號克齋者所創在城之東多竹石之勝

王氏園 癸辛雜識王子壽使君家於月河之間曲

折可喜有南山堂三角亭苔雪二水所匯苔清雪

濁水行其間略不相混

俞氏園 癸辛雜識俞子清侍郎臨湖門所居

周密
俞子

清園池記假山最大者莫如衛清叔吳中之園一
山聯亘二十餘畝置四十餘亭大可知矣然余所
見秀拔者莫如俞子清家峯之大小凡百餘乃於
衆峯之間縈迴曲澗甃以五色小石旁引清流大
石潭上巨竹壽藤蒼寒茂密不見天日潭旁橫石
作杠潭水自此溢出多蓄文龜斑魚夜月下照光
景零亂如穹
山絕谷間也

程氏園 癸辛雜識文簡公別業去城數里曰河口
藏書數萬卷作樓貯之

孟氏園 癸辛雜識在河口有極高明樓

紅花園 劉一止有贈俞居易閣學詩云紅花巷陌
春自注僕所居舊紅花園

萬氏園 楊萬里有寄題萬元亨舍人弁山園亭七
景意山蒲魚港溪雲閣閒世界也賢亭倚茗樓繇
隱堂

嗜退園 歸安縣志在迎春門內木石幽勝巖有穀
著書其中

吳氏園 德清縣志在新市狀元橋南宋相吳潛所
憩游也

雪溪館 弘治湖州府志本名白蘋館在白蘋洲西
南梁太守蕭琛置唐開元中韋旼改為開政館大

厯中顏真卿改名雪溪館

石柱記箋釋今雙溪亭
是也名勝志俗呼中館

驛柱牧移居雪溪館詩萬家相慶喜秋成處處樓
臺歌板聲千歲鶴歸猶有恨一年人住豈無情夜

涼溪館留僧話風定蘇潭看月生景
物登臨間始見願為間客此間行

昇山館 弘治湖州府志在州東昇山唐貞元十年

刺史于頔置

謝塘館 太平寰宇記謝塘在州西謝安所開唐大

厯中刺史裴清起謝塘館

茗溪館 西吳里語在郡城中弘治湖州府志宋嘉

祐二年知州事楊紘建

東遷館 崇禎烏程縣志在城東四十里本名太湖

館開元中刺史張景遵置大厯中刺史顏真卿以
其在舊東遷縣地改名東遷館

震澤館 弘治湖州府志在州東九十里唐開元間
刺史張景遵建

餘不館 弘治湖州府志德清縣南唐天授二年置
餘英館 弘治湖州府志在武康餘英溪有雙鴛沼

張子野詞雙鴛池沼水溶溶即此

毛滂餘英館詩
故第園林改遺

亭石壁新垂虹一橋月夾繡兩隄春花落俯
流水鳥啼懷故人憑欄看翠荇無意數游鱗

西莊 唐張光朝有荻塘西莊贈房元垂詩

蓮花莊 弘治湖州府志趙子昂別業在府治東南

四面陂水環繞中多植蓮

釋宗初蓮花莊詩洲渚綠縈迴芙蓉面面開路

從花外過山向柳邊來宿鷺驚搖舫浮魚仰酌杯同為城郭東此地絕塵埃

義莊 黃潛義莊記歸安東七十里是為花城鄉之望曰沈君創義莊以教養其族人

梅花莊 劉基梅頌序吳興章仲文築室花溪之上

環植梅花

百花莊 烏青志沈侍郎暉所居有綠野堂壁有詩

云是呂純陽筆

呂仙詩萬里西來蜀道長杖藜間步百花莊誰知鷄犬千家市中有

神仙一鳥藏乳燕鳴鳩春寂寂落花飛絮水茫茫主人了却平江事來此重觀綠野堂

六客堂 張詢六客堂詩序昔李公擇為此郡張子

野劉孝叔在焉而楊元素蘇子瞻陳令舉過之會

於碧瀾堂子野作六客詞今僕守是邦子瞻與曹

子方劉景文蘇伯固張秉道來過與僕為六而向

之六客獨子瞻在復繼前作子野為前六客詞子

瞻為後六客詞

西吳里語湖州郡圃有六客堂王十朋六客堂詩六客高風久已無

花間誰對謫仙壺星躔一夕
光芒動知有孤槎入畫圖

謹按李公擇六客之會在碧瀾堂張詞序甚明今
郡圃六客堂是後人因前後六客之詞而名之耳

逍遙堂 成化湖州府志在六客堂之右

梅堯臣題逍遙堂詩

江東有賢守好客似春申自構杏梁地不生珠履
塵樂章思季子後俊得吳均寢卧在其下知君學
至人

熙堂 成化湖州府志在逍遙堂北宋嘉定三年知

州事魏大中修易名思政

畫錦堂 弘治湖州府志在郡宅東舊為燕堂

吏隱堂 弘治湖州府志在郡治廳西宋宣和中葛

勝仲易為浙西道院

集虛堂 名勝志在書記廳陳師錫撰記

東堂 釋皎然有奉和顏使君真卿修韻海畢會諸

文士東堂重校詩

製錦堂 崇禎烏程縣志宋大中祥符間知縣薛耀

卿重修廳事有製錦堂

君子堂 萬曆湖州府志在烏程縣舊治

虛心堂 歸安縣志在廨內宋宣和四年縣令錢耕

重建改曰敬臨

歲寒堂 歸安縣志錢耕重建改曰拙齋

雙桂堂 西吳里語在歸安縣治內

王寧秋夜賞桂詩秋風吹天香

先著桂花藥更挹月露清芬馥喚睡起攪衣夜未央衆喧不入耳有來藥珠仙黃袂翠蓋底豈無碧雲腴為君一啓齒醉卧

金粟間絕勝佩蘭芷

舞綃堂 歸安縣志宋舊承廳內在縣南采蘋橋東

西吳里語歸安縣治內有舞綃堂不知何人作宋乾道中添脩齊慶曾作記

凝碧堂 歸安縣志宋尉廳在迎春門外運河南舊

時凝碧堂址也

梅堯臣凝碧堂詩始至芟荷生田田湖上密復當花競時艷色凌朝

日今來蓮已枯碧水墮秋實更待雪中過犀峰應互出尊有綠蟻醕組有顚壺摘可以持蟹螯逍遙

此居室

謹按萬曆郡志稱詩廳在迎春門外係凝碧舊址而脫去尉廳字考歸安志簿廳宋初在子城東淳熙中主簿俞璚徙於承廳西白蘋洲上並未嘗在迎春門外也

茗溪草堂 釋皎然詩序茗溪草堂自大曆三年夏

新營泊秋及春彌覺勝境

張雨菖溪草堂詩傳詒幽人范叔駭霧隱何時

甌一斑

天下草堂多處所無此玉湖浮玉山楊維

楨菖溪

草堂詩聞說菖溪范草堂草堂大似浣花

莊碧山

學士銀魚葉錦里先生烏角裝清江鸕鷀

雙雙下

春水鱸魚尺尺長自笑揚雄迷出處一區

終擬住林塘

碧瀾堂

晏公類要在子城東南臨溪唐刺史杜牧

建崇禎烏程縣志

宋嘉定三年知州魏大中重修

後創水閣曰水精勝境

陳時中碧瀾堂賦滴天目之華滋液蒼弁之雲英漱

金井之春釐消浮玉之寒冰泛菖花而東走濫餘

英以北征倒河道兮翠管浸菖城兮玉繩此玉湖

浙江通志

之碧瀾所以映天地而澄清也若其玉宇無塵金
甍不驚湛湛兮綢紋機之轂漪漪兮拖冰蘭之綰
躍錦鱗兮琉璃之影照雪鷺兮雲母之屏蕩流萍
以分綠疏文藻而涵青挹荷香兮爽氣橫林霏以
輕氛乍疑太液之雨霽人疑積翠之春生妙徐凝
之筆不足以圖其彷彿琢謝公之句未足以壯其
儀形乃有賁介公子縉紳處士削清風以為梁所
明月以為柱架白雲以為甍疏輕烟以為牖審碧
瀾之曲而滄浪之勢作堂洲渚之間兼美山川之
會魚鱗搖碧瓦之參差鼉首戴蓬壺之巖巖作氣
晨夕乎軒墀波光左右於牕戶恍若身在水晶之
宮又若神游清都之府是乃心怡目暢神清氣舒
胃吞雲夢量吸五湖躡崑崙探壁倒海搜珠談霏雨
露筆吐虹霓蘸碧瀾而灑墨漱芳潤而研詞晨瀉
珠璣之萬斛夕哦瓊瑰之八廚使清聲流碧澗而
無盡直欲浸淫乎八區陳亮佐過碧瀾堂詩舊漢

清淺雷溪斜碧玉寒光照萬家誰
向月明終夜聽洞庭漁笛隔蘆花

水堂 弘治湖州府志在碧瀾堂北汀風閣後舊名

南堂

西吳里語水堂一郡之勝槩 按顏魯公集有吳興水堂送諸文士聯句

寫真堂 晏公類要顏真卿於杼山上起謝臨川寫

真堂

墨君堂 西吳里語文同字與可知湖州善墨竹東

坡命為墨君作墨君堂記

蘇軾墨君堂記凡人相與號呼者貴之則曰公

賢之則曰君自其下則爾汝之雖公卿之貴天下貌畏而心不服則進而君公退而爾汝者多矣獨

王子猷謂竹君天下從而君之無異詞今與可又能以墨象君之形容作堂以居君而屬余為文以頌君德則與可之於君信厚矣與可之為人也端靜而文明哲而忠士之修潔博習朝夕磨治洗濯以求交於與可者非一人也而獨厚君如此君又疎簡抗勁無聲色臭味可以娛悅人之耳目鼻口則與可之厚君也其必有以賢君矣世之能寒燠人者其氣燄亦未至若雪霜風雨之切於肌膚也而士鮮不以為欣戚喪其所守自植物而言之四時之變亦大矣而君獨不顧雖微與可天下其孰不賢之然與可獨能得君之深而知君之所以賢雍容談笑揮灑奮迅而盡君之德雅壯枯老之容披折偃仰之勢風雪凌厲以觀其操崖石崢嶸以致其節得志遂茂而不驕不得志瘁瘠而不辱居不倚獨立不懼與可之於君可謂得其情而盡其性矣余雖不足以知君願從與可求君之昆弟

子孫族屬朋友之家而藏
於吾室以為君之別館云

超覽堂 烏程縣志在慈感寺

逸老堂 萬厯湖州府志在峴山頂嘉靖中通判湯

世賢建

烏程縣志世賢為尚書蔣瑤劉麟顧應祥
參政陳良謨主事唐樞諸老設社會於此

後知縣李稼重建萬厯中茅國綰重修後
許孚遠復舉社集知府陳幼學置田供會

嬰蘭堂 吳興藝文補錢鏐有題湖州嬰蘭堂詩

四絕堂 周必大沈傳師碑道林以四絕名堂沈碑

居其一歲久葺而扁之仍得沈碑移寘堂上

林氏雪堂 經鉏堂雜志雪川城內

趙氏慶源堂 經鉏堂雜志雪川城外

夢馬堂 成化湖州府志在華嚴山宋紹興三年朱
勝非卜地於此山葬母夜夢十騎入山留一馬繫
林中餘俱馳去次夕又夢衣冠一士厲聲言我來
定穴因於塚前起獻堂以夢馬名之

經鉏堂 吳興掌故倪文節公思其居與秀邱為隣
著經鉏堂雜志

清心堂 平易堂 宣化堂 萬厯湖州府志俱在

長興縣舊治宋紹定二年縣令史巖之建

製錦堂 嘉靖長興縣志宋紹定五年令趙汝譔置

吏隱堂 無訟堂 嘉靖長興縣志並在廳西宋建

安安堂 嘉靖長興縣志在縣令宅堂後宋建

夢鼎堂 嘉靖長興縣志隆慶元年知縣歸有光改

燕居之堂為夢鼎有記

詳見公署

松竹堂 嘉靖長興縣志在承廳宋嘉定癸未承應

塾建今基在縣廨

三隱草堂 嘉靖長興縣志玉竇泉在縣西南唐處

士鄭邀與羅隱道士李道殷卜築泉口因號三隱

木瓜堂 西吳里語在長興顧渚山金沙泉上

浮疎堂 萬厯湖州府志德清縣舊治廳西宋宣和

中建

德清縣志知縣趙
鳴建植梅堂前

山堂 弘治湖州府志德清縣舊廨舊名秀遠

梅花堂 德清縣志縣廳後舊有梅花亭存其故也

松竹堂

弘治湖州府志在德清縣舊名宜堂

孫觀德清

縣舍松筠堂看菊詩籬脚金花玉露團抱叢寒
蟬冷相看不隨桃李供春事且伴松筠到歲寒

醉花堂

弘治湖州府志德清縣舊縣芍藥甚盛

東堂

弘治湖州府志武康縣廳舊名盡心堂宋嘉

祐中令王震建紹聖中令毛滂新之紹興初鍾燮

重建

毛滂蔚山溪詞東堂先曉簾柱扶桑暝畫舫
寄江湖倚小樓心隨望遠水邊竹畔石瘦蘚

花寒秀陰遮潛玉夢鶴下魚磯晚藏花小塢蝶徑
深深見彩筆賦陽春看燕思飄飄雲半烟抱山翠
和月冷西牕玻璃盞盞

葡萄酒旋落餘醪片

先春堂 萬厯湖州府志在武康縣舊治廳西宋建
逍遙堂 弘治湖州府志武康縣仙臺山黃初平煉
丹之處臺北有逍遙堂舊址遠望湖杭俱在目睫

燕笑堂 嘉靖安吉州志在州治宋呂靖建

梅溪書堂 嘉靖安吉州志在梅溪鎮宋淳祐中天

台郭居和建

叢桂堂 嘉靖安吉州志在州東百家園

弘治湖州府志宋紹

興中邑人朱三思三省兄弟叔姪一門赴南
宮者二十七人集宴於此鄉人榮之因名

訟希齋 弘治湖州府志在郡治西廳之西廊舊名
靜勝宋慶元中知州事李景和易今名

三友齋 劉一止三友齋賦序余不知取友即家君
游息之舍別為小齋有一麈尾命曰白友一拳石
曰碧友一琴曰黑友因名其齋

不自恕齋 西吳里語周德方為杜處逸弟子以不
自恕名其齋

松雪齋 明一統志在府城內甘棠橋西元趙孟頫

之別第

沈夢麟松雪齋池中大湖石詩魏公池上
玉芙蓉元氣淋漓溼貝宮漢女梳頭雲冉

冉天丁鑿翠雨瓏瓏品題甲乙平原遠變化風
雷艮岳通回首太湖三萬頃酒酣濯足洞庭空

雪齋

蘇軾答言上人書去歲吳興為別至今耿耿

雪齋清境發於夢想

恕齋

萬歷湖州府志在長興縣舊治宋紹定五年

令趙汝遂增置

畫舫齋

西吳里語宋毛滂令武康縣建

清心軒

弘治湖州府志在通判廳宋治平三年張

大寧建

清容軒 名勝志袁桷自號清容居士與子昂同讀

書構清容軒今在慈感寺內

王世貞復清容軒記
吳興城西南隅為勝

枕水而宮者至多慈感寺為勝慈感寺之景至多
清容軒為最勝前枕通塘有蓮芡木芙蓉之屬船
枕容與琴簫散布軒之中碧浪諸山凌睥睨而上
其外碧浪諸水穿睥睨而下以故其景最勝故元
學士袁先生桷號清容者微時客吳興讀書其中
因取其號軒之趙文敏為題字而文敏亦時往來
流憩以故其名稱益著軒業以屬寺然寺僧不得
而有之而以供邦君薦紳之游者二百餘年於今
矣少時不戒於火予來吳興問軒於范太史意欲
復之以屬守黃君丞藍君司理孫君有郡士嚴姓

者慨然出而應募發其帑竹木塹瓦至不逾月而
軒復雖宏壯侈麗不逮前而山水之觀有出於脾
魄上下者如故也
作復清容軒記

水東軒 烏程縣志在慈感寺之東

倪思慈感東軒
詩水花風葉暮

蕭然靄靄雲山帶暝烟
軒未能力去更看明月涵晴天

滴翠軒 鄭明選游峴山記山之巔有滴翠軒萬竹

干天緣陰如晦

巖桂軒 萬厯湖州府志在武康縣舊治東堂後宋

紹興三年令鍾燮建

白露亭 西吳里語吳興郡志梁柳惔寄吳興吳均

詩云相思白露亭永望秋風渚惔守吳興引均為

主簿此別後寄聲耳

墨妙亭 西吳里語在郡圃孫莘老知湖州作

蘇軾墨妙

亭記熙寧四年高郵孫莘老移守吳興其明年作墨妙亭於逍遙堂之東取凡境內自漢以來古文遺刻以實之吳興自東晉為善地號為山水清遠其民足於魚稻蒲蓮之利寡求不爭賓客非特有事於其地者不至焉故凡守郡者率以風流嘯詠投壺飲酒為事自莘老之至而歲適大水土田不登湖人皆大飢莘老大振廩勸分躬自撫巡所活至不可勝計當是時朝廷方更化立法使者旁午

以為華老當日夜治文書赴期會不能復雍容自得如故事而華老益喜賓客賦詩飲酒為樂又以其餘暇網羅遺逸得前人賦詠數百篇為吳興新集其刻書尚存而僮仆斷缺於荒陬野草之間者又皆集於此序余以事至湖周覽嘆息而華老求文為記或以謂余凡有物必歸於盡而特形以為固者尤不可長雖金石之堅俄而變壞至於功名文章其傳世垂後猶為差久今乃以此托於彼是久存者反求助於速壞此則昔人之惑而華老又將深詹大屋以綢留之非是意也其無乃幾於不如命也夫余以為知命者必盡人事然後理足而無憾君子之養身也凡可以衛生者無不用其治國也凡可以久存者無不為此之謂知命是序之作殆無足爭者而其理則不可以不辨故具載其說而列其名物於左云

清樾亭 弘治湖州府志在墨妙亭南

快哉亭 弘治湖州府志在子城東北隅

挽翠亭 弘治湖州府志在子城東北宋慶元間李

景和建於六客堂北

麗澤亭 愛山亭 弘治湖州府志並在子城內通

判廳宋治平三年張大寧建

吳興雜錄宋時丞廳內有愛山臺蓋吳興

山水清逸怡人性情
即命名不嫌其同耳

桂香亭 弘治湖州府志在僉判廳城上宋治平中

狀元許將建徐仲謀名之

東亭 崇禎烏程縣志在縣內池上唐紀李紳墮水

事立碑弁山法華寺會昌間令李式移立於縣治

蓋欲存縣之故事也

弘治湖州府志東亭在東門外三里臨菰塘

桃露亭 松桂亭 清閼亭 萬厯湖州府志在烏

程縣舊治內並宋建

隱真亭 梅堯臣隱真亭詩注烏程史尉署

溪光亭 弘治湖州府志在歸安舊縣廨名勝志宋

開禧初令鄭昭先建

范公桀重建溪光亭記吳興山水之秀以清遠開茗雪二

溪源自天目分貫於城中交流蜿蜒一瀉二百里而達於震澤四山環拱光景晦冥故昔人以水晶宮稱之害水東通歸安縣治縣樓相直有亭翼然屹乎其前粵自宋開禧間邑宰鄭昭先創之揭名溪光厥後沒為民廛迨有元丁卯邑長柏春振理舊址式建新之士辰燬於兵丙午濠梁王侯仁卿來令是邑偶瞻舊址因謀於僚佐曰邑有治所以昭政令也溪有序所以第游息也縣治已葺斯亭寧無建乎不決旬而新序落成簷櫺宏敞洞豁與然映於治署公餘退食之暇二三寮案徜徉吟玩俯視水光山影烟雲魚鳥澄清泳飛之趣寓於心目雖面重湖之勝不越足矣故仍以溪光名之述其梗

繫於右

水亭 崇禎烏程縣志定安門外即古驛尉廳唐耿

漳賦水亭聯句詩即此

蘇軾城南縣尉水亭得長字詩兩尉鬱相望東西百

步場揮旗蒲柳市伐鼓水雲鄉已作觀魚檻仍開射鴨堂全家依畫舫極目亂紅粧激激波頭細疎疎雨腳長我來聞濯足溪漲欲浮牀澤國山園裏孤城水影傍欲知歸路處葦外記風檣

蟾桂亭 西吳里語在歸安縣治宋嘉定中濡須王

掾創

烏亭 太平寰宇記在烏程縣石斗山王羲之游處

歐陽亭 名勝志昇山越王無疆之子蹄封於歐餘

山之陽為歐陽亭侯漢書云烏程有歐陽亭即此

葛樓亭 烏程縣志在縣西北葛樓園中葛洪所居

顯亭 寰宇通志峴山在烏程縣南本名顯山晉太

守殷康於山上起顯亭

施注蘇詩顯亭
後改曰峴山亭

車蓋亭 崇禎烏程縣志在車蓋山頂殷康建

南亭 西吳里語在湖州府治南下瞰苕溪

西亭 名勝志玉湖有浮玉亭原名西亭弘治湖州

府志在西門內臨苕溪柳惲造後人稱柳惲亭又

改名浮玉亭

顏真卿西亭記湖州烏程縣南水亭即梁吳興太守柳惔之西亭也錄以

遠峰浮於清流包括氣象之妙實資游宴之美觀夫構宏材披廣榭豁達其外睽眾具中雲軒水閣當亭無著信為仁智之所創制原乎其始則柳吳興惔西亭之舊所焉世增崇之不易其地按吳均入東記云惔為郡起西亭毗山二亭悉有詩今處士陳羽圖記云西亭城西南二里烏程縣南六十步跨苕溪為之背柳惔文暢再興吳興以天監十六年正月所起以其在吳興郡理西故名焉文暢嘗與郡主簿吳均同賦西亭五韻之作由是此亭勝事彌著間歲頗為州僚處而有之日月滋深室宇將壞而文人嘉客不得極情於茲憤憤悱悱者久矣邑宰李清請而修之以摠眾君子之意役不煩費財有羨餘人莫之知而斯美具也清皇家子名公之裔忠肅明懿以將其身清簡以成其政結

歌二歲而流庸復者六百餘室廢田墾者二百頃
浮客臻湊逾乎二十種桑畜養益於數萬官路有
刻石之暇史廚有餘錢之貲救本經久率皆如是
略舉數者其餘可知矣豈必夜魚春躍而後見稱
哉清之筮仕也兩參雋人之列再移仙尉之任毗
贊於蜀邑子男於興多為庶使咸府之所辟薦
則知學詩之訓聞緝之心施之於政不得不然也
縣稱繁富矣今詔升為望清宿受代而邑人已軫
去思之悲白府願留者屢矣真卿重違耆老之請
啓於十連優詔以旌清之美也夫知邑莫若州知
宰莫若守知而不言無乃過乎今此記述以備其
事懼不宣美豈徒愧詞而已哉大厯一紀之首夏
也張籍西亭晚望詩雲水碧悠悠西亭柳岸頭夕
陽生遠岫斜照逐回流此地動歸思逢人方倦游
吳興耆舊盡
空見白蘋洲

毗山亭 太平寰宇記在毗山梁太守柳惲創與邵

主簿吳均有毗山贈答詩

臨湖亭 釋皎然有冬日游法華寺高頂臨湖亭詩

三癸亭 名勝志在杼山魯公為陸鴻漸建其時為

唐大曆七年癸丑歲冬十月癸卯朔二十一日癸

亥落成故名

顏真卿三癸亭詩杼山多幽絕勝事
盈跬步前者雖登攀淹留恨晨暮及

茲紆勝引曾是美無度欲構三癸亭實惟陸生故
高賢能利物疎鑿皆有趣不越方丈間居然雲霄
過巍我倚修岫曠望臨古渡左右苔石攢低昂桂
枝靈山僧狎猿猱巢鳥來枳根俯視何樛臺傍瞻

戴鵬路遲回未能
下夕照明村樹

黃浦亭

顏真卿烏程縣杼山妙喜寺碑寺前有黃

浦橋橋南有黃浦亭宋鮑照賦詩處

吳興學故黃浦出黃蘗澗

因名訛傳松江大浦亦名黃浦郡志附為黃歇所開謬甚

烟雨亭

崇禎烏程縣志在縣東南唐令李和建

窪樽亭

萬厯湖州府志亭內有李相石樽唐大厯

中建

崇禎烏程縣志岷山上有石竇如樽可注斗酒唐開元中李適之為郡別駕徧所親登山

恣飲後入相因呼李相石樽顏魯公守郡亦與門生弟姪宴集聯句

五花亭 吳興志在峴山為韋氏建唐選士用五花
判事韋琮韋南金韋景先三世為郡守因名

壘山亭 太平寰宇記在烏程縣北壘山臨眺四曠
浮碧亭 鄭明選游峴山記湖山之勝如浮碧亭所
見益曠

笑月亭 愛山亭 弘治湖州府志俱在道場山伏
虎巖上

甘泉亭 崇禎烏程縣志在道場山瑤席池之上

餘不亭 釋皎然有餘不亭重送盧孟明游江西詩

四水亭 弘治湖州府志在定安門馬公橋宋宣和

中葛勝仲建

名勝志四水曰茗溪前溪餘不溪及北流水

少巖亭 徐咸西園雜記謝公巖在峴山晉謝希逸

游此故名其東復有一巖予作亭其上名曰少巖

曠遠亭 劉一止毗山吳約仲曠遠亭詩序唐吳均

詩平湖曠以遠莫子及取以製名蓋吳均舊隱也

卞峯亭 梅堯臣有陪胡武平游雅上人房卞峯亭

詩

濯纓亭 崇禎烏程縣志在定安門內瞰餘不溪宋
紹興中知州事朱勝非建為迎餞之所

迎春亭 弘治湖州府志在東門內唐杜牧建

長烟亭 鄭明選游下菰城記四面累土如山其內
松樹千章尋至一亭曰長烟亭

宜晚亭 望湖亭 西吳里語並在道場山

湖山絕勝亭 湖山一覽亭 烏程縣志並在峴山

霞披亭

吳師道題趙明仲霞披亭詩雲石曾營雪

水傍霞披更出弁山陽

仰高亭

洎宅編朱正夫致仕居吳興城作仰高亭

弄雪亭

崇禎烏程縣志在西余山

澗亭

沈與求有過弁山次韻朱仰止澗亭絕句

古梅亭

弘治湖州府志古梅亭在烏程縣梅涇

聚芳亭

崇禎烏程縣志在晟舍元隱士閔天福作

芳菲亭

太平寰宇記白蘋洲上有顏真卿芳菲亭

五亭 吳興志郡有五亭曰白蘋集芳山光朝霞碧

波名勝志白蘋洲在霅溪東南刺史楊漢公建五

亭於其上

白居易五亭記湖州城東南三百步抵霅溪溪連汀洲洲一名白蘋梁吳興守

柳惲於此賦詩云汀洲採白蘋因以為名也大歷十一年顏魯公真卿為刺史始作八角亭游息焉後又數十年至開成三年弘農楊君為刺史乃疏四渠潄三池樹三園構五亭卉木荷竹舟橋廊室洎游宴息宿之具靡不備觀其架大溪跨長汀者謂之白蘋亭介三園閨百卉者謂之集芳亭而廣池目列岫者謂之山光亭翫晨曦者謂之朝霞亭狎清迤者謂之碧波亭五亭間開萬象迭入向背俯仰勝無遁形每至汀風春溪月秋花繁鳥啼之旦蓮開水香之夕實賢集歌吹作舟楫徐動觴詠

半酣飄然恍然游者相顧咸曰此不知方外也人間也又不知蓬瀛崑閬復何如哉大凡地有勝境得人而後發人有心匠得物而後開蓋是境也實柳守濫觴之顯公推輪之楊君續索之三賢始終能事畢矣豈偶然哉君名漢公字川義開成四年記

疊翠亭 三滙亭 弘治湖州府志在白蘋亭北宋

慶元中李景和重建北為三滙亭衆溪皆會於此

歸雁亭 歸安縣志府治北天慶觀邵守孫莘老作

名勝志莘老治湖時作於天慶觀中道士崇悅乞名於東坡坡以歸雁與之白玉蟾歸雁亭詩坡仙曾此數歸程歸雁因而偏此亭草勁風剛茗水綠木枯雪老弁山青霜翎去去賓沙漠雲足翩翩影

欽定四庫全書

卷四十二

卷四十二

洞庭亦偶來還自
去弋人何用慕青冥

鷗波亭 鄭明選游月湖記在月湖上趙子昂遺址

雲臻亭 名勝志在璉市嵇司徒墓傍

捲雨亭 踏雲亭 弘治湖州府志並在長興縣舊

治廳後宋建

共賦亭 逍遙亭 玉方亭 振彩亭 弘治湖州

府志在長興舊廨後園俱宋建

顧曲亭 積春亭 直鉤亭 弘治湖州府志在長

興縣舊尉廳內

若溪亭 嘉靖長興縣志在縣治尉廳宋令趙汝燧

建今廢址在縣解

弘治湖州府志
又改名按節

南浦亭 嘉靖長興縣志在縣治東一里宋嘉定癸

未尉史巖之建

弘治湖州府志按節南浦
二亭皆迎餞使客之處

五勸亭 嘉靖長興縣志在縣治東南迴溪橋宋皇

祐中令許遵建

慶亭 弘治湖州府志在長興懸腳嶺下吳孫權擒

虎於此唐沈法興將蔣元超戰處亭即此

境會亭 嘉靖長興縣志一名芳巖在懸腳嶺唐時

吳興毘陵二郡守分山造茶宴會於此

白居易夜聞
貢常州崔湖

州茶山境會亭歡宴詩遙聞境會茶山夜珠翠歌
鐘俱繞身盤上中分兩州界燈前合作一家春
娥對舞應爭妙紫筍齊嘗各闕新自
笑花時牕下客蒲黃酒對獨眠人

卷畫亭 弘治湖州府志長興縣西卷畫溪有卷畫

亭

望湖亭 嘉靖長興縣志在五峰絕頂東望具區烟

波萬頃上有古松二枝

溪光亭 嘉靖長興縣志在縣西罨畫溪上

忘歸亭 嘉靖長興縣志在顧渚山有司採茶寓此

洗心亭 長興縣志在縣西五峯山元黃德芳建

四照亭 弘治湖州府志在德清縣舊廨四面皆山

香風亭 弘治湖州府志在德清縣舊廨臨荷池

清意亭 萬厯湖州府志在德清縣治之後宋縣令

章鑑得古梅奇甚因作此亭

明秀亭 德清縣志 宋縣治園內有明秀亭周植緋

桃花棠榜曰紅雲塢

古香亭 德清縣志 宋縣治內有大桂上蔭章鑑建

左顧亭 弘治湖州府志 在德清縣餘不溪上孔愉

放龜之處

葛應龍左顧亭記晉車騎將軍孔愉放龜於中流左顧暨以功受餘不亭侯之

封錡印

印龜左顧自是名龜溪是亭之址南面吳

羌山北枕餘不溪中創三間以復左顧亭之舊東

曰濟川西曰際清其濟可博其清可全則重新斯

亭之意不沒矣劉一止龜溪左顧亭二首餘不溪

上山映我杯中綠我醉狂欲歌潛蛟睡方熟溪面

寒無風澄瑩千丈綠我欲放輕舸霜鏡不可觸

吳羌亭 萬厯湖州府志在德清縣阜安橋之右

西亭 西吳里語在德清縣西後枕北流水唐人詩
云送客莫辭秋晚龜溪好處西開即此宋縣令呂
好問改名登仙後邑人改第一溪山亭

觀心亭 德清縣志在縣北石壁山半月泉左二字
宋高宗御書

望蠡亭 餘不志在縣西積谷山巔正對蠡山

雪月亭 沈與求有次韻李通直題慈相寺雪月亭

詩

紫芝亭 戴表元紫芝亭記集賢趙君之隱居在德

清龍洞山大德庚子紫芝生其側因以名亭

舞翠亭

德清縣志在宋尉司之左

張祁舞翠亭詩
浩蕩秋光裛偏

舟過德清樓臺占山影驚鴨亂溪聲小飲經
年別高歌一邑驚娟娟照人月還憶謝宣城

候仙亭 德清縣志在龜溪上真人王壽衍作

二柳亭 萬厯湖州府志在武康縣舊治國內宋建

寒秀亭 陽春亭 毛滂驀山溪詞序武康縣令舍

為亭二以寒秀陽春名之

松桂亭 西吳里語宋程九萬為武康令公餘喜吟
詠著松桂林集因以名亭

歲寒亭 弘治湖州府志在武康舊廨宋慶元中令
丁大聲即畫舫齋建

明月亭 弘治湖州府志在武康縣明月洲上

濯纓亭 漱玉亭 名勝志武康響應山有定光院
在巖腹中小池上有濯纓亭下有漱玉亭

遠光亭 弘治湖州府志在武康縣東後溪上宋宣

和三年朱容建

藏春亭 挂雲亭 名勝志武康縣東有烟霞塢唐

劉穎士秀叔別業中有龜巖巖前瀑泉聲激如雷

梅花綿亘數里有亭曰藏春橋亭曰挂雲

覓雲亭 弘治湖州府志在安吉舊廨廳事後宋建

靜涼亭 弘治湖州府志在安吉舊廨宋建前瞰大

池

清淑亭 弘治湖州府志在安吉舊廨宋建

三角亭 西吳里語在安吉治內邑人俞退翁詩春

無四面花夜欠一簷雨

得助亭 萬厯湖州府志在安吉州舊丞廳宋建

真賞亭 嘉靖安吉州志在州西三里落石山宋縣

令安鼎構又有增明亭吳益構

章綱真賞亭賦真賞主人落亭之成

以酒屬客曰余家於西南眇天一涯陸馳水浮至
於吳中覽山川之勝多矣竭來鄭南俯仰攸責簿
書期會羈鞅糾纏平時心目晦霧是厄宜意枕書
之夢猶躡登山之屐窈萬壑之紆鬱儼千歲之峯

欽定四庫全書

浙江通志
卷四十二

粵景懽恍以恢悅余徘徊而嘆息謂游觀之樂此
蓋軒楹之几席忽悟覺曰余居非槐安之舊都豈
華胥之故國雖可追於幻境亦永慨於陳迹既旦
而興曾弗復思駕言西郊有事佛祠偕我同僚俱
戾於茲披蒙茸於朝露得爽塏之遺基憫廢地於
余衷感畸昔之神馳亟經營於棟宇卒告成於工
師獨真賞之新名撫老仙之舊詞余以為此邦之
奇觀始無遺矣客曰勝惟其地樂在於人志宏於
造目勝於新試登斯亭而傲睨挹四面之嶙峋林
莽直而周密烟雲改於逡巡天容低而益遠鳥影
澹而俄湮吾酬應之不給空拄頰而岸中彼畫棟
珠簾之章餘霞澄江之句文章景物皆有限而止
也孰若此意之無限哉由是言之微主人斯亭
孰成非清賞茲山孰取僕請敬酌式獻是語

觀風亭

嘉靖安吉州志在落石山真賞增明皆廢

而觀風獨峙亦一郡之秀也

採芝亭 魯伯能故鄣東禪寺記東山之上屏山九
疊鏡水千尋過採芝亭攬飛龍湖雪擁寒梅月藏

香桂

明月樓 萬厯湖州府志在府治子城西南隅唐貞

元十三年建

苕溪詩話楊傑有明月樓詩云江南地暖少嚴風九月炎涼正得中溪上

玉樓樓上月清光合作水晶

宮吳興因此詩謂之水晶宮

消暑樓 西吳里語在譙門東唐貞元十五年刺史

李詞建興清風會景三樓鼎峙於子城之上譙門
翼於前卞蒼擁於後為一郡偉觀宋淳祐中知州
高衡孫即舊址建二樓消暑改曰鎮霄清風仍舊
名會景則為修廊子城上又有賞春望闕玩景映

溪照霞五樓

杜牧消暑樓詩晴日登攀好危樓物
象饒一溪通四境萬岫連層霄鳥翼

舒筆屋魚鱗櫂短橈浪花機乍織雲葉匝新雕臺
榭羅嘉卉城池敞麗譙蟾蜍來作鑑蟬蛸引成橋
燕往隨秋葉人空習早朝楚鴻行盡直沙鷺立偏
翹暮角樓游旅清歌慘淡寥景牽游日困愁託酒
腸消遠吹流松韻殘陽度柳梢時陪庾公賞還怡脫煩囂

韻海樓 晏公類要唐大厯七年刺史顏真卿建萬

厯湖州府志真卿著韻海鏡源於此故名

卞蒼樓 弘治湖州府志在郡治子城北取徐陵碑

高卞蒼蒼為名

鎮湖樓 西吳里語舊在郡城南

勝賞樓 葉適湖州勝賞樓記太守趙公既新白蘋

亭復樓於側其言曰清風水通碧瀾山隱魚之者

斯樓也君名希蒼字漢英嘉定十五年記

水樓 皇甫曾有集烏程水樓留別顏真卿刺史詩

朝陽樓 吳融有題湖州朝陽樓詩

南樓 釋皎然有喜皇甫侍御過吳興刺史顏真卿

南樓玩月詩

觀農樓 釋皎然有登吳興觀農樓和崔使君詩

天隱樓 沈遘有題吳興沈沔天隱樓詩

覽古樓 西吳里語杜處逸作於通元觀聚書萬卷

管公樓 趙孟頫管公樓孝思道院記其地曰樓賢

吾妻仲姬父諱仲佃儻尚義鄉里稱之曰管公
樓三間以祀之

魚脯樓 成化湖州府志歸安縣儀鳳橋南垵昔歲
貢魚脯於此樓修製後罷貢為民居今其地有魚
樓界

金婆樓 歸安縣志在魚脯樓東金婆好道遇異人
得太乙養元之道後尸解

清風樓 石柱記箋釋長興顧渚明月峽茶生其間

唐有貢焙院院側有清風樓張文規詩清風樓下

草初茁明月峽中茶始生

生遠樓 毛滂驀山溪詞序武康令舍以生遠名樓

蓮花閣 荻城文獻唐太和二年烏程縣治生蓮花

名蓮花閣

浮暉閣 吳興掌故在定安門內賈收耘老所居

隱

叢話賈耘老水閣在荻溪上景物清曠東坡題詩
畫竹於壁沈會宗曾賦小詞余嘗有詩云三間水
閣賈耘老一曲清詞沈會宗無限當時好風月如
今總屬續溪翁撫轍來舟過賈收水閣收不在見

其子三首愛酒陶元亮能詩張志和青山來水檻
白肉滿漁簑淚垢添丁面貧低舉簾娥不知何所
樂竟夕獨酣歌嫋嫋風蒲亂猗猗水荇長小舟浮
鴨綠大杓瀉鵝黃得意詩酒社終身魚稻鄉樂哉
無一事何處不清涼曳杖青苔岸繫船枯柳根德
公方上冢季路獨留言已占蒲魚港吏聞松菊園
從茲來往數
兒女自應門

汀風閣 弘治湖州府志在碧瀾堂北

怡雲閣 避暑錄話圓證寺大松三十餘株夾道蔽
日橋合諸澗經朱子怡雲閣之前

清風閣 張剛有與子昂同登清風閣聯句詩見吳

興藝文補

海天閣 崇禎烏程縣志在道場山巔

清遠閣 崇禎烏程縣志在峴山

溫閣 顏真卿杼山妙喜寺碑寺東偏有招隱院其
前堂西厦謂之溫閣

冷然閣 德清縣志在縣北石壁山半月泉上

披雲閣 吳興掌故在半月泉後易名清暑閣

愛山臺 弘治湖州府志在郡治西北隅宋郡丞汪

泰亨所創取東坡道場山詩尚愛此山看不足之

句名之

歲寒臺 弘治湖州府志在郡治子城東壁

舞臺 西吳里語歸安縣舊尉廳有舞臺在荷池中

蘓臺 崇禎烏程縣志在臨湖門城樓之西宋郡守

蘓軾築後人因稱蘓臺

擬峴臺 王安石有為吳興裴使君賦擬峴臺詩

鳳凰臺 崇禎烏程縣志在鳳凰山

釣臺 成化湖州府志烏程杼山妙喜寺有何楷釣臺顏魯公詩俯視何楷臺即此又長興西北三十里有石壁如屏亦稱釣臺相傳陳高祖少時釣處薦春臺 嘉靖長興縣志在子山左令熊明遇築每清明前三日詣顧渚山採茶先於此拜接

縱雲臺 弘治湖州府志在德清舊廨內宋令沈造與沈長卿陳祖安觴詠於上取退之釋嶠孤雲縱

因名

劉一止縱雲臺記德清山水明麗清遠為他邑冠縣治枕山山歸然特高為百里之鎮

有臺下直令舍相距僅百尺名木秀薦分列左右
天欲雨雲氣習習生於步武襟袂之間今大沈
次仲與二客燕其上客詠韓吏部釋嶠孤雲縱以
為臺名次仲屬為記次仲之心豈以雲之逸為可
羨將似之耶余邑寓山樓朝見雲之出暮見雲之
歸進退客與於太虛寥廓之中其於出處何心哉
今次仲方仕余方隱迹若不同而從容於事物
之境則未始有異也次仲勉乎哉紹興五年記

望江臺 伍餘福游天目山記西上望江臺錢塘一
帶隱隱如白練

烏巾氏宅 萬厯湖州府志在烏程縣昇山

伍子胥宅 西吳里語烏程伍林村舊傳伍員嘗寓

於此

謝安宅

萬厯湖州府志在烏程縣治南即霅溪館

謝靈運宅

吳興掌故在烏程東南即福田寺

謝元宅

西吳里語郡城內車騎坊在府前東北大

街晉車騎將軍謝元嘗寓此

戴逵宅

西吳里語烏程戴山昔戴逵曾居此

何楷宅

太平寰宇記烏程縣何山晉何楷居此修

儒業

汪藻何山何氏書堂記吳興環城皆水獨西南岡嶺相屬而得浮屠氏之居二馬東曰道

場西曰何山何山立於宋元嘉中其興先道場五
百年而隘陋反出其下於是游道場者如入王侯
之家隆樓傑閣吞納江湖已而過何山則草樹蔥
蘢軒牕窈窕經行之地皆雅潔幽深如造高人隱
士之廬至者忘歸不知雄城移而為清勝也寺有
何氏書堂圖記相承以何氏晉時嘗讀書此山後
為吳興太守以其居為寺而名其山顏魯公亦曰
寺西南有何楷釣臺則楷居此山無疑然楷姓名
於晉史無所見惟沈約宋書叙何子平曾祖楷為
晉侍中括地志謂楷為吳興太守皆不得而知也
以余考之寺有宋禪幽寺碑云元嘉十四年創立
精舍於金蓋山初不言楷時有寺且何山之名於
梁吳均詩始見之疑楷嘗學此山其名蹟在人後
人慕之即其處為精舍耳謂楷以其居為寺者非
也

柳惲宅 崇禎烏程縣志惲曾居毗山有讀書堂存

馬一統志作唐柳渾誤

章后宅 吳興掌故在府治東北陳永定三年捨為
龍興寺即今之天寧寺

沈亞之宅 吳興掌故在府治北唐中和二年捨為
寺即天聖寺

牟子才宅 崇禎烏程縣志在定安門內今為倉

蕭翼宅 萬厯湖州府志即鴻禧寺

朱處士別業 劉長卿有過湖南朱處士別業詩見

吳興藝文補

陸羽別業 釋皎然有喜集陸處士羽青塘別業詩

施肩吾宅 吳興掌故在歸安縣東施渚鎮

王彥宅 崇禎烏程縣志王安撫彥宋名將宅在烏

鎮

丁勝宅 崇禎烏程縣志丁節度勝其宅在烏鎮平

等橋東

周密宅 吳興掌故周密字公謹其祖少傅公僑居

郡城天聖寺側公謹復置業弁山

趙孟頫宅 歸安縣志在甘棠橋南宅有大銀杏樹

相傳為松雪手植

沈夢麟趙仲穆席上作蓮花庄北長橋東客來卜居水晶宮參

差樓閣烟塵外窈窕山川圖畫中細雨新帆來舞袖故家喬木鎮春風請看杜牧題詩處千古風流

一笑

同

吳夫槩宅 萬厯湖州府志在長興上槩村

陳武帝宅 吳興志廣惠寺在長興縣治東九里相

傳為陳武帝故宅

吳興掌故光大元年詔立為天居寺宋治平間改為廣忠寺明

一統志宅內有井相傳武帝生時井水湧出浴帝因名聖井又曰浴兒井歸有光有記

陳文帝宅 吳興志長興縣西二里號長城官天嘉

二年置於大寧寺後

長興縣志顏真卿碑及汪藻劉一止詩序皆言報德寺為

陳文帝故宅李宗諤又云大雄寺即長城宮

程林宅 嘉靖長興縣志在縣南程林烏巾二家能

釀酒程氏橋即林所居今為平政橋

金曼倩宅 太平寰宇記金潭在長興縣西四十里

漢樓船將軍金曼倩居之

錢林宅 西吳里語漢錢林建平中為諫議大夫王

莽專政遂隱於長興陂門里其故宅在子山園林

幽趣花石佳致層閣皆山高門臨水

弘治湖州府志陂門里即

上閣步

莫倅宅 名勝志晉建威將軍莫倅故宅在長興縣

城山下

盛聰宅 弘治湖州府志晉南臺御史尚書令盛聰

故宅在長興縣東箬溪盛灣

吳僧永宅 名勝志梁駙馬都尉吳僧永故宅在長興縣東呂山

錢道宅 名勝志梁江州刺史錢道故宅在長興縣西九里今為清果寺基

駱祕道宅 名勝志梁參軍駱祕道故宅今長興名駱灣者是

吳均宅 弘治湖州府志在長興縣西南六十里青

山又縣南四十三里吳山有吳均宅

石柱記箋釋
安吉州東北

三十五里曰青山一名均山以吳均名按長興
安吉二縣接界均本傳故鄉人其宅當在安吉

謹按弘治郡志載均宅在青山又載於吳山考均
與施從事書云故鄣縣東三十五里有青山絕壁
千天孤峯入漢又有詩云家住青山下時向青山
上是均宅當在青山而郡志又稱在吳山或有二

宅

陸龜蒙別業 弘治湖州府志在長興縣陸渚

崔元亮宅 西吳里語在長興縣崔灣

弘治湖州府
志元亮眈義

人元和中為吳

興刺史因家焉

姚紵宅 括地志仙人姚紵所居在長興縣五峯山

沈貞宅 嘉靖長興縣志元隱士沈貞宅在縣北三

十里求詩卷

范蠡宅 弘治湖州府志德清縣蠡山舊傳范蠡故

居在焉

沈麟士宅 西吳里語南齊沈麟士隱德清縣東南

吳羗山講經授徒嘗數百人營止其側

戴可先宅 吳興掌故在德清吳羗山之陽

德清縣志梁太

同二年捨宅為寺
即大中乾元寺

沈道思宅 德清縣志在縣西文墅山梁大同二年

吳興太守沈道思請以故宅捨為觀即紫極觀

沈慶之宅 德清縣志在縣東北敢村梁天監中捨

宅為寺即延壽寺

沈著宅 吳興掌故梁水部郎沈著宅在德清南二

十七里塘樓市大同二年捨為永明寺

沈子真宅 德清縣志在縣東北韶村青州刺史沈

子真舊宅一夕堂前井起光八道有龍騰空而去
遂捨為寺即八勝寺

韓元吉宅 德清縣志縣北石壁山慈相寺西有修
竹林宋韓元吉兄弟居焉前數十步有野橋古樹
幽泉四望皆平岡邑中之勝地也 弘治湖州府志
宋呂祖謙嘗於此讀書呂蓋韓壻也嘉熙間縣令
章鑑建東萊讀書堂

游似宅 弘治湖州府志德清縣桃源洞宋丞相游

似所居壘石為山遺址尚存

沈戎宅 吳興掌故在武康東北鳳凰山捨為懷德

寺

路史沈戎居
烏程餘不溪

沈道虔宅 名勝志在武康縣石城山東晉沈道虔

性仁愛有竊其屋後笋者乃買大笋與之曰吾惜

屋後笋欲其成林

沈密宅 吳興掌故南齊祕書郎沈密故宅在武康

治西二百步建元元年捨為齊昌寺

沈約宅 餘英志餘英溪即前溪上流沈約宗族所

居

沈珩宅 弘治湖州府志武康縣五官瀆吳五官郎
中沈珩居之

孟郊宅 西吳里語武康縣西一里有孟郊古井
吳興

掌故地名
孟宅係

施彬宅 嘉靖安吉州志晉中蠲明侯施彬故宅在

州梅溪鄉即今樂平寺

裴子野宅 輿地紀勝裴子野寓居故鄣宅在縣西

南三十六里永昌鄉

弘治湖州府志子野河東人寓居故鄣著諸侯略

王文殊宅 嘉靖安吉州志在州西南晏子鄉孝行里

周弘讓宅 吳興志周弘讓兄弘正仕梁為安吉縣令弘讓結宇山中其故宅在州南三十六里

吳頊宅 吳興掌故吳越驃騎將軍吳頊故宅在安

吉西半里捨為羅漢院

弘治湖州府志即長樂寺

沙墀 吳興志沙墀在郡治廳事前庭中

弘治湖州府志 墀外皆

梵砌獨此方鋪以沙久莫之改紹興中太守王會砌合之忽夜得夢翌早亟去至今如是

上林 宗禎烏程縣志相傳董氏梅林村高祖渡江駐蹕宴梅下賦詩乃更為上林

走馬埒 石柱記卞山有項王走馬埒飲馬池

桂棚 顏真卿杼山妙喜寺碑三癸亭西北叢桂間創桂棚左右百步有芳林茂樹悉產丹青紫三桂丘路 吳興志城南七里昔丘傑年十三鄰人築牆

侵其界傑乃夜移籬退三尺鄰人慚亦退三尺遂
成大路因名

蘓灣 萬厯湖州府志在峴山南蘓軾為郡守築湖
隄立亭車蓋山後陳舜俞家焉

隱安 歸安縣志在菁山太守葛勝仲居此號隱安
即今射村

水竹塢 西吳里語章農卿北山別業也

水竹居 虞堪有寄題湖州沈自誠水竹居詩

千金墟 名勝志歸安縣東南四十里漢吳王濞鑄錢銅峴置庫於此

泊宅 泊宅編烏程東有泊宅村昔張志和浮家泛

宅往來蒼雪即此

金華文略方甸字仁夫與兄勺隱居烏程之泊宅村

茶園 笠澤叢書甫里先生嗜茶置園於顧渚山下

士林 沈貞士林山水記去長城北十里唐宋迄元

居多文人

淨香天 嘉靖長興縣志縣北二十里方石山自城

至此古梅巨竹數十萬吳鍾巒題曰淨香天

蟠室

陸游有周元吉蟠室詩

元吉名頴
長興人

花渚

名勝志安吉州梅溪鎮吳越征西將軍吳瓌

居此花石甚麗因名後吳可幾知幾兄弟讀書其

中瓌之裔也號二吳讀書堂

隱塢 太平寰宇記安吉縣隱塢梁陶弘景嘗隱居

於此

嘉靖安吉州志在銅山鄉陸龜蒙嗜茶往
來桃城得陶貞白隱塢而居焉莫有知者

邱閣 吳地志吳大帝遣從弟孫資修故鄣邱閣

蘭畹 太平寰宇記長興縣南嶼鄉西施種香之所

上有蘭蒨畹

嘉靖安吉州志蘭畹
在今孝豐縣白水山

潛玉菴 毛滂鵲山溪詞序武康縣令舍以潛玉名
菴

七賢石 吳興掌故在何山寺中寺僧移湖石於此
狀如石丈故名

採菱渡石 陳潤祖採菱渡石記監運沈君玉泉得
異石於石林葉氏之廢園刻曰採菱渡石其陽字

二行王摩詰石虛用中書

三品石

歸安縣志在蓮花庄趙子昂別業

見只編白蘋洲

有學士石三為

趙文敏家故物

石鼓

楊維禎夏駕石鼓辭注石鼓在夏駕山高一

丈徑三尺下有盤石為足

天聖寺古檜

鄭明選天聖寺古檜閣碑寺舊有古

檜堂古檜高大無枝葉蓋唐宋時物也其後堂廢

寺僧易而為閣子昂嘗畫為圖

朱勝非天聖寺古
檜詩雷霆起蟄虬

天矯勢欲上忽然化此木尚作擎雲狀婆娑枝幹
垂生澀紐結壯圖經不能紀父老那可訪晉杉定
儕類蜀柏豈輩行櫟夢何足神槐語
固已妄自無斤斧憂未始疑大匠

古柏門 歸安縣志在縣南袁家滙根下開廣七尺
上復連理高五六丈中若洞門可出入

雌雄木 歸安縣志在東林山沈東老菴左一開花
不結子一結子不開花一木二幹高十餘丈

返鐘 歸安縣志明正德中有司括寺鐘銷為兵器
臨治獨菱湖真武祠鐘用大火不能破竟返之尚

書蔣瑤有記

陳朝檜 避暑錄話長興大雄寺大檜相傳陳武帝

手植

汪藻陳朝檜詩曾經浩劫故依然老壽方知木有仙直榦凌空纔百尺虛心閱世欲千年

深蟠澤國興祥地獨傲天公造化權
玉樹庭花非不好祇今誰憶舊山川

榆木版 西吳里語歲旱河竭東門外居人於河底

得大榆木厚尺餘不可計數版鏤縱橫紋若牕櫺

考周禮秋官壺涿氏欲治水神則以牡槀午貫象

齒而沈之此版蓋周禮遺制湖多水患疑前以此

厭之耳午即互字

敢溪鐘 德清縣志唐大厯中武康大慈寺僧鑄鐘
成其聲宏越朝命取以貢郡以舟致之至縣之敢
山溪舟欹鐘覆入水遣人沒求之不得後旱涸聞
鐘然作聲則鐘露水次亟跡之復逝

石磨 弘治湖州府志在安吉梅溪每遇風雨則轉
疾則年豐遲則年歉

回溪碁盤 孝豐縣志在浮玉鄉寨前山頂

浙江通志卷四十二